

3-24

34/05  
საქართველოს  
საბჭოთა კავშირის

~~3-24~~  
ს-29

საქართველოს სოც.



საბჭ. რესპუბლიკის

მუშათა და გლეხთა მთავრობის

# კანონთა და განკარგულებათა კრებული

სახალხო კომისარათა საბჭოს და ეკონომიური საბჭოს  
საქმეთა მმართველობის გამოცემა

1930 წ. დეკემბრის 14.

№ 20

ნაწილი პირველი

## შ ი ნ ა ა რ ს ი:

### ცენტრალური აღმასრულებელი კომიტეტის და სახალხო კომისარათა საბჭოს დადგენილებანი.

294. იმ ინვალიდებისათვის შეღავათების მინიჭების შესახებ, რომლებზედაც არ ვრცელდება სახელმწიფო უზრუნველყოფისა და სოციალური დაზღვევის კანონის მოქმედება, ხოლო რომელნიც ეკუთვნიან მოსახლეობის მშრომელთა ფენებს.

—295. საყოველთაო საგაღდებულო სწავლების შემოღების შესახებ.

296. პურეულისა და ბოსტნეულის დამზადების რაიონებიდან რკინის გზის სადგურებამდე და ნავთსადგურებამდე გადაზიდვისათვის ხელისშემწყობ ღონისძიებათა შესახებ.

297. საქართველოს სსრ-ის ქალაქებსა და ქალაქის ტიპის დასახლებულ ადგილებში საცხოვრებელი სადგომების ქირის თაობაზე 1929 წლის სექტემბრის 2-ის თარიღით გამოცემული დადგენილების მე-17 მუხლის მე-3 შენიშვნის შეცვლის შესახებ.

298. სისხლის სამართლის კოდექსის 31 მუხლის რედაქციის შეცვლის შესახებ.

299. საბინაო მშენებლობის მწარმოებლად დ.წესებულებათა, საწარმოთა და ორგანიზაციათვის ხე-ტყის მასალის შეღავათიანი პირობებით მიცემის თაობაზე მოქმედ დადგენილებათა გაუქმების შესახებ.

300. ხელისუფლების ადგილობრივი ორგანოებისათვის ბამბის დამზადების რაიონებში სასუილიანი საქაპანზიდვო ბეგარის შემოღების ნებართვის შესახებ.

301. სისხლის სამართლის კოდექსის 195 მუხლის შეცვლის შესახებ.

### ცენტრალური აღმასრულებელი კომიტეტის დადგენილებანი.

302. „რემედისი“ დეკადის ჩატარების შესახებ.

### სახალხო კომისარათა საბჭოს დადგენილებანი.

303. საქართველოს სსრ-ის ტერიტორიაზე 1930-31 წ. წყლის გამოსაღების ჩატარვის შესახებ.

304. საქართველოს სსრ სამებაშეო მეურნეობის მოსავლიანობის გადიდებისა და მისი რეკონსტრუქციის ღონისძიებათა შესახებ.

305. საცხოვრებელი სადგომების შოვნისა, დაქირავებისა და გაცვლა-გამოცვლისათვის საშუაველო საშინაო ბიუროს დაარსების თაობაზე გამოცემული საქართველოს სსრ სახალხო კომისარათა საბჭოს დადგენილების მე-3 მუხლის შენიშვნის შეცვლის შესახებ.

306. სარაიონო აღმასრულებელ კომიტეტებთან და საქალაქო და სასოფლო საბჭოებთან არსებულნი საყოველთაო სავალდებულო დაწვებითი სწავლების დამხმარე კომიტეტის დებულების დამტკიცების შესახებ.

დებულება სარაიონო აღმასრულებელ კომიტეტებთან და საქალაქო და სასოფლო სამკობებთან არსებული საყოველთაო სავალდებულო დაწვებითი სწავლების დამხმარე კომიტეტის შესახებ.

307. 1928/29 და 1929/30 წლებში გაცემული სათესლე სესხის გადახდევინების წესის შესახებ.

308. საქართველოს სსრ ეკონომიურ საბჭოსთან სწარმოო კოოპერაციისა და შინამრეწველობის კომიტეტის მოწყობის შესახებ.

309. საქართველოს სსრ სახელმწიფო საგეგმო კომისიის სამშენებლო სექციის დებულების დამტკიცების შესახებ.

დებულება საქართველოს სსრ სახელმწიფო საგეგმო კომისიის სამშენებლო სექციის შესახებ.

310. სახალხო მასწავლებლების ნივთიერი და უფლებრივი მდგომარეობის გაუმჯობესების შესახებ.

311. კულაკურ მეურნეობათა მიერ ბამბის ჩაბარების შესახებ.

312. ხე-ტყისა და შეშის დამზადების საქმის რწმუნებულის დანიშვნისა და საქართველოს სსრ ტერიტორიაზე ხე ტყისა და შეშის დამზადების გეგმების შესრულებისათვის საჭირო ღონისძიებათა შესახებ.

313. „სახალხო მასწავლებლების ნივთიერი და უფლებრივი მდგომარეობის გაუმჯობესების“ თაობაზე გამოცემულ დადგენილების მე-2 მუხლის რედაქციის შეცვლის შესახებ.

314. 1930 წლის მოსავლის ბამბის მოკრეფისა და დამზადების კამპანიის უზრუნველყოფისათვის საჭირო ღონისძიებათა შესახებ.

315. საქართველოს სსრ სახელმწიფო დაწესებულებებისა და კოოპერატიული ორგანიზაციების ქვემდებარე ყველა წარმოების საწარმოსთან გამოგონებათა და მუშების წინადადებათა რეალიზაციისა და საფაბრიკო-საქარბნო გამომგონებლობის ხელისშემწყობი სათანადო ორგანოების დაარსებისა და აგრეთვე გამომგონებლობისა და მუშების წინადადებათა ხელისშემწყობი ფონდების შექმნის შესახებ.

316. ეპიზოტებთან მებრძოლი სრულიად საკავშირო საექციო საზოგადოების „ვეტეპო“-ს ამიერკავკასიის კონტროლისათვის ეპიზოტებთან ბრძოლის წარმოების დაკისრებისა და მის განკარგულებაში სავეტერინარო პერსონალის გამოყოფის შესახებ.

# სენსრალური აღმასრულებელი კომიტეტის და სახალხო კომისართა საბჭოს დადგენილება.

294. დადგენილება ც. ა. კ. და ს. კ. ს.

იმ ინვალიდებისათვის შეღავათების მინიჭების შესახებ, რომლებზედაც არ ვრცელდება სახელმწიფო უზრუნველყოფისა და სოციალური დაზღვევის კანონის მოქმედება, ხოლო რომელნიც ეკუთვნიან მოსახლეობის მშრომელთა ფენებს.

სრულიად საქართველოს ცენტრალური აღმასრულებელი კომიტეტი და საქართველოს სსრ სახალხო კომისართა საბჭო ადგენენ:

1. იმ ინვალიდებს, რომლებზედაც არ ვრცელდება სახელმწიფო უზრუნველყოფისა და სოციალური დაზღვევის კანონის მოქმედება, ხოლო რომელნიც ეკუთვნიან მოსახლეობის მშრომელთა ფენებს, მიენიჭოს ინვალიდთა კოოპერატიულ შენაერთებში (არტელებში) წევრად შესვლის უფლება თანაბრად იმ ომის ინ-

ვალიდებისა, რომელთაც მინიჭებული აქვთ სოციალური უზრუნველყოფის უფლება.

ამისდაშესაბამისად ინვალიდთა კოოპერატიული შენაერთის დებულების მე-8 მუხ. (საქ. კან. კრ. 1927 წ. 4 №-ი, მუხ. 66) მიღებულ იქნეს შემდეგი რედაქციით:

„8. ინვალიდთა კოოპერატიულ შენაერთში (არტელში) წევრად შესვლის უფლება ეძლევა არაშრომითი შემოსავლის არმქონე:

ა) ყველა ჯგუფისა და კატეგორიის ინვალიდს;

ბ) ფრონტზე და კონტრევოლიუციის წინააღმდეგ ბრძოლაში დაღუპული და გარდაცვალებული სამხედრო მსახურისა, გარდაცვალებული დაზღვეულისა და ომისა და შრომის ინვალიდის ოჯახის წევრებს“.

2. ამა დადგენილებაში აღნიშნული პირების ინვალიდთა შენაერთებში (არტელებში) შესვლისა და აგრეთვე უფასო სახელოსნო და სარეწაო პატენტების მიღების პირობებსა და წესს დაადგენს საქართველოს სსრ-ის სოციალური უზრუნველყოფის სახალხო კომისარიატი.

სრულიად საქართველოს ცენტრალური აღმასრულებელი  
კომიტეტის თავმჯდომარე მ. ცხაკაია.

საქართველოს სსრ სახალხო კომისართა  
საბჭოს თავმჯდომარე ფ. მახარაძე.

სრულიად საქართველოს ცენტრალური აღმასრულებელი  
კომიტეტის მდივანი ს. თოდრია.

1930 წ. ოქტომბრის 4.

ტფილისი-სასახლე.

## 295. დადგენილება ც. ა. კ. და ს. კ. ს.

საყოველთაო სავალდებულო სწავლების შემოღების შესახებ.

კულტურული მშენებლობის ტემპის გაძლიერებისა და მშრომელი მასების ტექნიკური ჩამორჩენილობის სწრაფი ლიკვიდაციისათვის, სახალხო მეურნეობის ინდუსტრიალურ-სოციალისტურ საფუძველზე გარდაქმნის ამოცანების შესაბამისად, სრულიად საქართველოს ცენტრალური აღმასრულებელი კომიტეტი და საქართველოს სსრ სახალხო კომისართა საბჭო, — „საქართველოს სსრ-ში საყოველთაო სავალდებულო დაწყებითი სწავლების შემოღების წესის შესახებ“ გამოცემული თავისი 1930 წ. მაისის 21-ის დადგენილების (საქ. სსრ კან. კრ. 1930 წ. 12 №-ი, მუხ. 170) ნაწილობრივ შესაცვლელად და დასამატებლად, — ა დ გ ე ნ ე ნ:

1. დადგენილ იქნეს შემდეგი წესი მთლად საქართველოს სსრ ტერიტორიაზე საყოველთაო სავალდებულო დაწყებითი სწავლების სრული განხორციელებისა, 8,9 და 10 წლის ბავშვთათვის და 11-15 წლის მოზარდთათვის:



ა) 1930-31 სასწავლო წლის განმავლობაში—ყველა ქალაქში, ქალაქის ტიპის დასახლებულ ადგილას, კოლექტივიზაციის ადგილას, ტფილისის, ქუთაისის და ფოთის საქალაქო საბჭოების ქვემდებარე სოფელ-ადგილას და აგრეთვე მთლად შემდეგ რაიონებში: ლანჩხუთის, ოზურგეთის, ჩოხატაურის, აბაშის, სენაკის, მარტვილის, ზუგდიდის, ხობის, ჩხორწყუს, წალენჯიხის, ამბროლაურის, ბაღდადის, ვანის, ზესტაფონის, ჭიათურის, ონის, ოკრიბის, სამტრედიის, ჩხარის, ცაგერის, ხონის, ხარაგაულის, გორის, სტალინისის, ბორჯომის, თელავის, გურჯაანის, სიღნაღის, გარე-კახეთის, მუხიანის, კასპის, ლაგოდეხის და ყვარლის;

ბ) 1930-31 და 1931-32 სასწავლო წლების განმავლობაში—აფხაზეთის სსრ-ში, სამხრეთ-ოსეთის ავტონომიურ ოლქში და შემდეგ რაიონებში: აღბულაის, დუშეთის, ერწო-თიანეთის, ხევის, ზემო-სვანეთის, ქვემო-სვანეთის, ახალ-ქალაქის და გორელოეს;

გ) 1930-31, 1931-32 და 1932-33 სასწავლო წლების განმავლობაში—აჭარის ავტონომიურ სსრ-ში და აგრეთვე შემდეგ რაიონებში ბაჭიჩეთის, ბორჩალოს, ლიუქსემბურგის, წალკის, ახალციხის, ადიგენის და ტოლოშის.

2. დაევალოს აფხაზეთის სსრ, აჭარის ავტონომიური სსრ და სამხრეთ-ოსეთის ავტონომიური ოლქის ცენტრალურ აღმასრულებელ კომიტეტებს და აგრეთვე წინა მუხლის „ბ“ და „გ“ პუნქტებში აღნიშნული რაიონების აღმასრულებელ კომიტეტებს შეადგინონ, 10 დღის განმავლობაში ამა დადგენილების გამოქვეყნების დღიდან, მათ ქვემდებარე ტერიტორიაზე საყოველთაო სავალდებულო სწავლების შემოღების ზუსტი გეგმა იმ ანგარიშით, რომ მუშაობის დიდი ნაწილი აუცილებლად შესრულებულ იქნეს პირველ წლებში და რომ ამა დადგენილებით გათვალისწინებული ვადების უკანასკნელი წლებისათვის დატოვებულ იქნეს მხოლოდ ცალკეული სოფლები და ადგილები, რომელნიც კულტურულად, ყოფაცხოვრებით და სასკოლო მშენებლობის მხრით განსაკუთრებით ჩამორჩენილი არიან.

შედგენილ გეგმებს ცენტრალური აღმასრულებელი კომიტეტები წარუდგენენ დასამტკიცებლად საქართველოს სსრ სახალხო კომისართა საბჭოს, ხოლო სარაიონო აღმასრულებელი კომიტეტები—განათლების სახალხო კომისარიატს.

3. ნორმალური ტიპის სკოლად, რომლის საშუალებითაც უნდა განხორციელდეს საყოველთაო სავალდებულო სწავლება, ჩაითვალოს: 8,9 და 10 წლის ბავშვებისათვის—პირველი საფეხურის სრულკომპლექტიანი სკოლა (4 წლედ), მოზარდთათვის 11-დან 15 წლამდე—ერთ და ორწლიანი სკოლა, ხოლო მცირედ დასახლებულ ადგილებში—მოდრავი სკოლა ან სტაციონარული სკოლა შორეული სოფლების ბავშთა ინტერნატი.

4. 1930-31 სასწავლო წლიდან ქალაქებში, სამრეწველო და მუშათა ცენტრებში და აგრეთვე კოლექტივიზაციის რაიონებში დაწყებულ იქნეს საყოველთაო სავალდებულო სწავლების განხორციელება 7-წლიანი შრომის სკოლის საშუალებით (საქარხნო-საფაბრიკო შვიდწლედ და კოლექტიურ მეურნეობათა ახალგაზრდობის სკოლა). დადგენილ იქნეს, რომ იმავე 1930-31 წლიდან მთლად აღნიშნული ადგილების ახალგაზრდობამ, რომელიც 1929-30 სასწავლო წლის დასასრულსათვის 4-წლედის სრულ კურსს გაივლის, სწავლა განაგრძოს მე-5 ჯგუფში.



5. 1930-31 სასწავლო წლიდან დაწყებული აიკრძალოს პირველი და მეორე საფეხურის სკოლებში მოთავსებულ ბავშვთა სკოლიდან გაყვანა სრული კურსის დამთავრებამდე.

6. ყველა შენობა, რაც მთლად რესპუბლიკის ტერიტორიზე კონფისკაციის წესით შემამუშავეებს, კულაკებსა და სხვა ელემენტებს ჩამოერთვა, გამოუნაკლისად გადაეცეს განათლების ორგანოებს სკოლებისათვის გამოსაყენებლად; ის სასკოლო სადგომები ქალაქად და სოფლად, რაც ამჟამად სხვა დაწესებულებებს უჭირავს და პირდაპირი დანიშნულებისამებრ არ არის გამოყენებული, დაებრუნოს განათლების ორგანოებს ამა წლის ოქტომბრის 20-მდე.

7. საყოველთაო სავალდებულო სწავლების განხორციელებასთან და კულტურული მუშაობის ზრდასთან ერთად, ხმარებულ იქნეს გადამწყვეტი ღონისძიებანი სასკოლო მუშაობის თვისებრივი გაუმჯობესებისათვის.

სასკოლო მუშაობის თვისებრივად გაუმჯობესების საქმეში ძირითად ამოცანას უნდა წარმოადგენდეს: სკოლის საწარმოო ბაზაზე გადაყვანა, მისი პოლიტეხნიზაცია, საწარმოო პროცესების თეორიული და პრაქტიკული შესწავლა, წარმოებისათვის ენერგეტიული და ტექნიკური ბაზის შექმნა, სხვადასხვა მასალისა და პროდუქტის ტექნოლოგიისა და წარმოების ორგანიზაციის შესწავლა.

ამ მიმართულებით მიზნად უნდა იქნეს დასახული:

ა) 5 წლედის დასასრულისათვის (1932-33 წ.) სოფლისა და ქალაქის სკოლების ძირითადი მასის პოლიტეხნიზაცია;

ბ) სკოლის პოლიტეხნიზაციის საქმეში მთავარი და ხელმძღვანელი როლის მიკუთვნება მრეწველობის ხაზის საფაბრიკო საქარხნო შვიდწლედისათვის, ხოლო სოფლის მეურნეობის ხაზით—კოლმეურნეობათა ახალგაზრდობის სკოლისათვის;

გ) პირველი საფეხურის სოფლის სკოლების აგრონომიზაცია, მათი აგრო და ზოომინიმუმის უზრუნველყოფით; ამ სკოლებში სხვადასხვა პოლიტეხნიკური შრომის შემოღება; ქალაქის ოთხწლედების ასეთსავე პოლიტეხნიკურ შრომაზე (შრომის კუთხე, ოთახი და სხვ.) გადაყვანა;

დ) განხორციელება სკოლების ფაქტიური შრომითი კავშირისა წარმოებასთან (ფაბრიკასთან, ქარხანასთან, საბჭოთა და კოლექტიურ მეურნეობასთან და სხვ.); სკოლების უზრუნველყოფა სათანადოთა და კოლექტიურ მეურნეობასთან და სხვ.); სკოლების უზრუნველყოფა სათანადოთა და კოლექტიურმა მეურნეობებმა, კოოპერატიულმა და პროფესიონალურმა ორგანიზაციებმა.

8. დაველოს განათლების სახალხო კომისარიატს მისცეს, ამა დადგენილების საფუძველზე, თავის ქვემდებარე ადგილობრივ ორგანოებს დამატებითი დირექტივები საყოველთაო სავალდებულო სწავლების შემოღებისა და სკოლის პოლიტეხნიზაციის საკითხების შესახებ.

სრულიად საქართველოს ცენტრალური აღმასრულებელი  
კომიტეტის თავმჯდომარე **მ. ცხაკაია.**

საქართველოს სსრ სახალხო კომისართა  
საბჭოს თავმჯდომარე **ფ. მახარაძე.**

სრულიად საქართველოს ცენტრალური აღმასრულებელი  
კომიტეტის მდივანი **ს. თოდრია.**

1930 წ. ოქტომბრის 9.

ტიფლისი-სასახლე.

გამოქვეყნებულია გაზ. „კომუნისტის“ 237 №-ში 1930 წ. ოქტომბრის 10.

## 296. დადგენილება ც. ა. კ. და ს. ს. კ.

პურეულისა და ბოსტნეულის დამზადების რაიონებიდან რკინის გზის სადგურებამდე და ნავთსადგურებამდე გადაზიდვისათვის ხელისშემწყობ ღონისძიებათა შესახებ.

სრულიად საქართველოს ცენტრალური აღმასრულებელი კომიტეტი და საქართველოს სსრ სახალხო კომისართა საბჭო ადგენენ:

1. წინადადება მიეცეს პურეულისა და ბოსტნეულის დამზადების ადგილების სარაიონო აღმასრულებელ კომიტეტებს შემოიღონ ადგილობრივი მოსახლეობისათვის, —სათანადო დამზადებელი ორგანიზაციების მოთხოვნით და „პურის დამზადების რაიონებში სასყიდლიანი შრომითი ჰაპანზიდვის ბეგარის შემოღების შესახებ“ გამოცემული სრულიად საქართველოს ცენტრალური აღმასრულებელი კომიტეტისა და საქართველოს სსრ სახალხო კომისართა საბჭოს 1929 წლის ნოემბრის 11-ის დადგენილებით (საქ.სსრ კან.კრ. 1929 წ. 23 №-ი, მუხ. 284) გათვალისწინებულ საფუძველზე, —სასყიდლიანი შრომითი ჰაპანზიდვის ბეგარა პურეულისა და ბოსტნეულის გადასახადად დამზადების რაიონებიდან რკინის გზის სადგურებამდე და ნავთსადგურებამდე.

**შენიშვნა.** სარაიონო აღმასრულებელი კომიტეტის დადგენილებისათვის ამა მუხლში აღნიშნული ბეგარის შემოღების შესახებ ზედმდგომი ორგანოების ნებართვა თვითეულ ცალკე შემთხვევაში საჭირო არ არის.

2. წინადადება მიეცეს საქართველოს სსრ ვაჭრობის სახალხო კომისარიატს ხუთი დღის ვადაზე დააწესოს შრომითი ჰაპანზიდვის ბეგარის წესით წარმოებული გადაზიდვის მტკიცე შეფასება პურეულისა და ბოსტნეულის დამზადების რაიონების მიხედვით და მიაწოდოს იგი სახელმძღვანელოდ დამზადებელ ორგანიზაციებს და სარაიონო აღმასრულებელ კომიტეტებს.

3. მთლად იმ დროის განმავლობაში, რაც იწარმოებს დამზადების რაიონებიდან პურეულისა და ბოსტნეულის გადაზიდვა რკინის გზის სადგურებამდე და ნავთსადგურებამდე, მობილიზებულ იქნეს პურეულისა და ბოსტნეულის დამზადების რაიონებში და გადაეცეს გამგებლობისათვის სათანადო დამზადებელ ორგანიზაციებს ადგილობრივი სახელმწიფო დაწესებულებებისა და კოოპერატიული და საზოგადოებრივი ორგანიზაციების განკარგულებაში ქონებული მთელი საავტომობილო და ჰაპანზიდვის ტრანსპორტი და აგრეთვე ამ დაწესებულებებისა და ორგანიზაციების კუთვნილი ცხენები.

**შენიშვნა 1.** აღნიშნული მობილიზაციისაგან განთავისუფლდება იმ დაწესებულებათა და ორგანიზაციათა საავტომობილო და ჰაპანზიდვის ტრანსპორტი და ცხენები, რომელთა განსაკუთრებულ სიასაც დაამტკიცებენ სარაიონო აღმასრულებელი კომიტეტები.

**შენიშვნა 2.** ამა დადგენილების მე-3 მუხლის წესისამებრ მობილიზებული ქონების საექსპლოატაციო ხარჯი მიეწერება სათანადო დამზადებელ ორგანიზაციას.

4. დაევალოს აჭარისტანის ავტონომიური სს რესპუბლიკისა და სამხრეთ-ოსეთის ავტონომიურ ოლქის ცენტრალურ აღმასრულებელ კომიტეტებს განახორციელონ ამა დადგენილებით გათვალისწინებული ღონისძიებანი ამ რესპუბლიკისა და ოლქის სათანადო დამხადების რაიონებში.

5. დადგენილება ესე შემოღებულ იქნეს სამოქმედოდ ტელეგრაფით.

სრულიად საქართველოს ცენტრალური აღმასრულებელი  
კომიტეტის თავმჯდომარე მ. ცხაკაია.

საქართველოს სსრ სახალხო კომისართა  
საბჭოს თავმჯდომარე ფ. მახარაძე.

სრულიად საქართველოს ცენტრალური აღმასრულებელი  
კომიტეტის მდივანი ს. თოღრაია.

1930 წ. ოქტომბრის 12.

ტფილისი-სასახლე.

## 297. დადგენილება ც. ა. კ. და ს. კ. ს.

საქართველოს სსრ-ის ქალაქებსა და ქალაქის ტიპის დასახლებულ ადგილებში საცხოვრებელი სადგომების ქირის თაობაზე 1929 წლის სექტემბრის 2-ის თარიღით გამოცემული დადგენილების მე-17 მუხლის მე-3 შენიშვნის შეცვლის შესახებ.

თანხმად ამიერკავკასიის ცენტრალური აღმასრულებელი კომიტეტის 1930 წ. აგვისტოს 18-ის დადგენილებისა ა/კფსრ ქალაქებსა და ქალაქის ტიპის დასახლებულ ადგილებში საცხოვრებელი სადგომების ქირის თაობაზე გამოცემული ამიერკავკასიის ცენტრალური აღმასრულებელი კომიტეტისა და ა/კფსრ სახალხო კომისართა საბჭოს 1928 წლის ნოემბრის 2-ის დადგენილების მე-13 მუხლისათვის მე-2 შენიშვნის დამატების შესახებ — სრულიად საქართველოს ცენტრალური აღმასრულებელი კომიტეტი და საქართველოს სსრ სახალხო კომისართა საბჭო ადგენენ:

„საქართველოს სსრ-ის ქალაქებსა და ქალაქის ტიპის დასახლებულ ადგილებში საცხოვრებელი სადგომების ქირის შესახებ“ გამოცემული სრულიად საქართველოს ცენტრალური აღმასრულებელი კომიტეტისა და საქართველოს სსრ სახალხო კომისართა საბჭოს 1929 წ. სექტემბრის 2-ის დადგენილების (საქ. სსრ კან. კრ. 1929 წ. 19 № ი, მუხ. 202; 1930 წ. 14 №-ი, მუხ. 210) მე-17 მუხლის მე-3 შენიშვნა მიღებულ იქნეს შემდეგი რედაქციით:

„შენიშვნა 3. თავმჯდომთა საკადრო შედგენილობის სამხედრო მსახური, — გარდა ვადიანი სამსახურის უმცროს თავმჯდომთა საკადრო შედგენილობის სამხედრო მსახურისა, — რომელიც გაგზავნილია სამხედრო საწვავლებელში კურსის გასასვლელად ან და იმყოფება საკარვოდ, ხანგრ-



ძლივ მივლინებაში ან სასტატიოროდ, ქირას საცხოვრებელი სადგომისათვის, რაც მას უჭირავს როგორც მუდმივ საცხოვრებელ ადგილას. ისე დროებით სამყოფელ ადგილას, გადაიხდის მისთვის დაწესებული საბინაო ქირის 50<sup>0</sup>/<sub>6</sub>-ის რაოდენობით, უკეთუ დროებით სამყოფელ ადგილას საცხოვრებელი სადგომი მას უსასყიდლოდ არა აქვს მიცემული“.

სრულიად საქართველოს ცენტრალური აღმასრულებელი  
კომიტეტის თავმჯდომარე მ. ცხაკაია.

საქართველოს სსრ სახალხო კომისართა  
საბჭოს თავმჯდომარე ფ. მახარაძე.

სრულიად საქართველოს ცენტრალური აღმასრულებელი  
კომიტეტის მდივანი ს. თოდრია.

1930 წ. ოქტომბრის 15.

ტფილისი-სასახლე.

## 298. დადგენილება ც. ა. კ. და ს. კ. ს.

სისხლის სამართლის კოდექსის 31 მუხლის რედაქციის შეცვლის შესახებ.

თანხმად სსრკ-ის და მოკავშირე რესპუბლიკების სისხლის სამართლის კანონმდებლობის ძირითად საფუძველთა მე-20 მუხლისა (იმ რედაქციით, რაც არის „სოციალური დაზღვევის წესით პენსიებისა და დახმარების დანიშვნის დებულების“ დამტკიცების შესახებ გამოცემული სსრკ-ის ცენტრალური აღმასრულებელი კომიტეტისა და სახალხო კომისართა საბჭოს 1930 წ. თებერვლის 13-ის დადგენილების მე-V კარში—სსრკ კან. კრ. 1930 წ. მე-11 №-ი, მუხ. 131), სსრკ-ის სახალხო კომისართა საბჭოს 1930 წ. მაისის 31-ის დადგენილებისა „ისეთ სახელმწიფოებრივ დანაშაულთა შესახებ, რისთვისაც სასამართლოს შეუძლიან პენსიისა და დახმარების უფლების ჩამორთმევა“ (სსრკ კან. კრ. 1930 წ. 31 №-ი, მუხ. 339), ამიერკავკასიის ცენტრალური აღმასრულებელი კომიტეტისა და აკსფსრ სახალხო კომისართა საბჭოს 1930 წ. აგვისტოს 28-ის დადგენილებისა „ისეთ დანაშაულთა შესახებ, რისთვისაც სასამართლოს შეუძლიან პენსიისა და დახმარების უფლების ჩამორთმევა“ (აკსფსრ კან. კრ. 1930 წ. მე-16 №-ი, მუხ. 173), და სსრკ-ის ცენტრალური აღმასრულებელი კომიტეტისა და სახალხო კომისართა საბჭოს 1930 წ. სექტემბრის 2-ის დადგენილებისა „ისეთ სამხედრო დანაშაულთა შესახებ, რისთვისაც სასამართლოს შეუძლიან პენსიისა და დახმარების უფლების ჩამორთმევა“ (სსრკ. კან. კრ. 1930 წ. 45 №-ი, მუხ. 464) აგრეთვე სრულიად საქართველოს საბჭოთა მე-II მოწვევის ცენტრალური აღმასრულებელი კომიტეტის მე-2 სესიის 1924 წ. მარტის 10-ის თარიღისა და 77№-ის დადგენილების მე-2 მუხლის წესისამებრ (საქ. სსრ კან. კრ. 1924 წ. 1-ლი №-ი, მუხ. 7)—სრულიად საქართველოს ცენტრალური აღმასრულებელი კომიტეტი და საქართველოს სსრ სახალხო კომისართა საბჭო ადგენენ:

სისხლის სამართლის კოდექსის 31 მუხლი (საქ. სსრ კან. კრ. 1930 წ. მე-4 №-ი, მუხ. 48) მიღებულ იქნეს შემდეგი რედაქციით:

„31. უფლების აყრა გულისხმობს:

ა) აქტიური და პასიური საარჩევნო უფლების ჩამორთმევას;

ბ) საზოგადოებრივ ორგანიზაციაში საარჩევნო თანამდებობის დაქერის უფლების ჩამორთმევას;

გ) ამა თუ იმ სახელმწიფოებრივი თანამდებობის დაქერის უფლების ჩამორთმევას;

დ) საპატიო წოდების ტარების უფლების ჩამორთმევას;

ე) მშობლიური უფლების ჩამორთმევას;

ვ) სოციალური დაზღვევისა და სახელმწიფოებრივი უზრუნველყოფის წესით დანიშნული პენსიისა და სოციალური დაზღვევის წესით უშუშევრობისათვის დანიშნული დახმარების უფლების ჩამორთმევას.

უფლების ჩამორთმევა შეიძლება ხუთ წელზე არა უმეტესი ვადით.

ჩამორთმევა შეიძლება როგორც ყველა ზემოაღნიშნული უფლებისა ერთად, ისე თვითულისა ცალ-ცალკე.

უკეთუ უფლების ჩამორთმევა ერთვის თავისუფლების აღკვეთას, როგორც სოციალური დაცვის დამატებითი ღონისძიება, იგი გასტანს პატიმრობის მთელ დროს და, ამის გარდა, სასამართლოს მიერ გადაწყვეტილ ვადასაც.

მშობლიური უფლება შეიძლება ჩამოერთვას მსჯავრდადებულს მხოლოდ იმ შემთხვევაში, უკეთუ სასამართლოს სცნობს, რომ მსჯავრდადებული ბოროტად იყენებს ამ უფლებას.

პენსიისა და დახმარების უფლების ჩამორთმევა შეიძლება: (უკეთუ დამნაშავე მსჯავრდადებულ იქნა სახელმწიფოებრივი დანაშაულის ჩადენისათვის (კერძო ნაწილის 1-ლი თავი); ბ) უკეთუ დამნაშავე მსჯავრდადებულ იქნა ანგარებითი დანაშაულის ჩადენისათვის და მას გადაეწყვიტა თავისუფლების აღკვეთა ერთ წელიწადზე მეტი ვადით ან განდევნა უწყებელი ადგილიდან სხვა ადგილას დასახლებით, როგორც სოციალური დაცვის ძირითადი ღონისძიება, გ) უკეთუ დამნაშავეს გადაეწყვიტა, როგორც სოციალური დაცვის დამატებითი ღონისძიება, მთელი ქონების კონფისკაცია; დ) უკეთუ დამნაშავე მსჯავრდადებულ იქნა მშვიდობიანობის დროს სამხედრო დანაშაულთა დებულების (სისხლის სამართლის კოდექსის დანართი) 3, 4, 7, 9, 12, 13, 17, 20, 21, 22, 23, 24, 25, 26, 27, და 28 მუხლებით გათვალისწინებული დანაშაულისა, ხოლო ომიანობის დროს — ამ დებულებით გათვალისწინებული ყველა დანაშაულის ჩადენისათვის“.

სრულიად საქართველოს ცენტრალური აღმასრულებელი

კომიტეტის თავმჯდომარე მ. ცხაკაია.

საქართველოს სსრ სახალხო კომისართა საბჭოს

თავმჯდომარის მოადგილე გ. მგალობლიშვილი.

სრულიად საქართველოს ცენტრალური აღმასრულებელი

კომიტეტის მდივანი ხ. თოდრაია.

1930 წ. ოქტომბრის 15.

ტფილისი-სასახლე.

## 299. დადგენილება ც. ა. ძ. და ს. ძ. ს.

საბინაო მშენებლობის მწარმოებელ დაწესებულებათა, საწარმოთა და ორგანიზაციათათვის ხე-ტყის მასალის შეღავათიანი პირობებით მიცემის თაობაზე მომქმედ დადგენილებათა გაუქმების შესახებ.

„მერქნის უსასყიდლოდ და შეღავათიანი პირობებით გაცემის მოწესრიგების შესახებ“ გამოცემული ამიერკავკასიის ცენტრალური აღმასრულებელი კომიტეტისა და ა/კსფსრ სახალხო კომისართა საბჭოს 1930 წ. აგვისტოს 18-ის დადგენილების (ა/კსფსრ კან. კრ. 1930 წ. 16 №-ი, მუხ. 170) 1-ლი მუხლის „დ“ პუნქტის საფუძველზე—სრულიად საქართველოს ცენტრალური აღმასრულებელი კომიტეტი და საქართველოს სსრ სახალხო კომისართა საბჭო ადგენენ:

გაუქმებულ იქნეს: 1) საქართველოს სსრ სახალხო კომისართა საბჭოს 1926 წლის იანვრის 11-ის დადგენილება „საბინაო კოოპერაციისათვის ხე-ტყის მასალის საშეღავათო წესით მიცემის შესახებ“ (საქ. სსრ კან: კრ. 1926 წ. 1-ლი №-ი, მუხ. 26) და

2) სრულიად საქართველოს ცენტრალური აღმასრულებელი კომიტეტისა და საქართველოს სსრ სახალხო კომისართა საბჭოს 1926 წლის აგვისტოს 1-ის დადგენილება „საქართველოს სსრ სახალხო კომისართა საბჭოს მიერ საბინაო კოოპერაციისათვის ხე-ტყის მასალის საშეღავათო წესით მიცემის თაობაზე 1929 წლის იანვრის 11-ის თარიღით გამოცემული დადგენილების იმ სახელმწიფო დაწესებულებებზე გავრცელების შესახებ, რომელნიც მუშათა ბინებს აშენებენ“ (საქ. სსრ კან. კრ. 1926 წ. მე-4 №-ი, მუხ. 93).

სრულიად საქართველოს ცენტრალური აღმასრულებელი  
 კომიტეტის თავმჯდომარე მ. ცხაკაია.

საქართველოს სსრ სახალხო კომისართა საბჭოს  
 თავმჯდომარე ფ. მაზარაძე.

სრულიად საქართველოს ცენტრალური აღმასრულებელი  
 კომიტეტის მდივანი ს. თოდრია.

1930 წ. ოქტომბრის 24.

ტფილისი—სასახლე.

გამოქვეყნებულია გაზ. „კომუნისტის“ 273 №-ში 1930 წ. ნოემბრის 21-ს.



## 300. დადგენილება ც. ა. კ. და ს. კ. ს.

ხელისუფლების ადგილობრივი ორგანოებისათვის ბამბის დამზადების რაიონებში სასყიდლიანი საქაპანზიდვო ბეგარის შემოღების ნებადართვის შესახებ.

ნება დაერთოს ბამბის დამზადების რაიონების სარაიონო აღმასრულებელი კომიტეტებსა და სასოფლო საბჭოებს შემოიღონ ხოლმე 1930 წლის მოსავლის ბამბის მოკრეფისა და ჩაბარების დროის განმავლობაში სასყიდლიანი საქაპანზიდვო ბეგარა იმ საფუძველზე, რაც გათვალისწინებულია სრულიად საქართველოს ცენტრალური აღმასრულებელი კომიტეტისა და სახალხო კომისართა საბჭოს 1929 წ. ნოემბრის 11-ის დადგენილებაში „პურის დამზადების რაიონებში შრომითი ქაპანზიდვის ბეგარის შემოღების შესახებ“ (საქ. სსრ კან. კრ. 1929 წ. 23 №-ი, მუხ. 284).

სრულიად საქართველოს ცენტრალური აღმასრულებელი  
კომიტეტის თავმჯდომარე მ. ცხაკაია.

საქართველოს სსრ სახალხო კომისართა  
საბჭოს თავმჯდომარე ფ. მახარაძე.

სრულიად საქართველოს ცენტრალური აღმასრულებელი  
კომიტეტის მდივანი ს. თოდრაია.

1930 წ. ნოემბრის 9.

ტფილისი—სასახლე.

გამოქვეყნებულია ვაზ. „კომუნისტის“ 272 №-ში 1930 წ. სექტემბრის 20.

## 301. დადგენილება ც. ა. კ. და ს. კ. ს.

სისხლის სამართლის კოდექსის 195 მუხლის შეცვლის შესახებ.

სრულიად საქართველოს საბჭოთა მე-II მოწვევის ცენტრალური აღმასრულებელი კომიტეტის მე-2 სესიის 1924 წ. მარტის 10-ის დადგენილების მე-2 მუხლის წესისამებრ (საქ. სსრ კან. კრ. 1924 წ. 1 №-ი, მუხ. 7) სრულიად საქართველოს ცენტრალური აღმასრულებელი კომიტეტი და საქართველოს სსრ სახალხო კომისართა საბჭო აღგენენ:

სისხლის სამართლის კოდექსის 195 მუხლი შეიცვალოს და მიღებულ იქნეს შემდეგი რედაქციით:

„195. სოფლად ბალისა, ვენახისა, ბოსტნისა, ნათესისა და სხვ. განზრახ წახდენა საქონლის მიწვებით, უკეთუ მიყენებული ზიანი 50 მანეთს არ აღემატება, გამოიწვევს

იძულებით მუშაობას ერთ თვემდე ან ჯარიმას არა უმეტეს წანახელით მი-  
ყენებული ზიანის თანხის ორმაგი რაოდენობისა“,

სრულიად საქართველოს ცენტრალური აღმასრულებელი  
კომიტეტის თავმჯდომარე მ. ცხაკაია.

საქართველოს სსრ სახალხო კომისართა  
საბჭოს თავმჯდომარე ფ. მახარაძე.

სრულიად საქართველოს ცენტრალური აღმასრულებელი  
კომიტეტის მდივანი ს. თოდრაია.

1930 წ. ნოემბრის 9.

ტფილისი-სასახლე.

## სენატრალური აღმასრულებელი კომიტეტის დადგე- ნილება

302. დადგენილება ც. ა. კ.

„რემედასის“ დეკადის ჩატარების შესახებ.

„რემედასის“ მატერიალური სახსრის გაძლიერებისა და მისი იდეებისა და მიზნების პოპულარიზაციისათვის სრულიად საქართველოს ცენტრალური აღმა-  
სრულებელი კომიტეტი ადგენს:

1. ნება დაერთოს „რემედასს“ მოაწყოს საქართველოს სსრ ტერიტორიაზე რემედასის დეკადა 1930 წ. ოქტომბრის 15—25 ამა დადგენილების ქვემოაღნიშ-  
ნულ მუხლებში გათვალისწინებულ საფუძველზე.

2. აღნიშნული ვადის—1930 წლ. ოქტომბრის 15—25 განმავლობაში „რე-  
მედასს“ ნება დაერთოს:

ა) შეაგროვოს ა/წ. ოქტომბრის 15—18-მდე ყულაბებით ნებაყოფლობითი გამოსაღები ყველგან ქუჩებში, საჯარო ადგილებში და სახელმწიფო დაწესებუ-  
ლებების სადგომებში; აგრეთვე შეაგროვოს ნებაყოფლობითი შემოწირულება ხელმოსაწერი ფურცლებით დაწესებულებებსა და საწარმოებში დეკადის განმავ-  
ლობაში:

ბ) გამართოს ფასიანი კონცერტები და წარმოდგენები;

გ) გამართოს საჯარო ლექციები, საუბრები და მოხსენებები საზოგადოე-  
ბის მიზნების შესაფერ თემებზე, რისთვისაც შეუძლიან გამოიყენოს საზოგადოე-  
ბრივი აუდიტორიები და კინო-თეატრის სადგომები, აგრეთვე რადიო-გადაცემა.

3. შემოღებულ იქნეს სამი დღის განმავლობაში დაბეგვრის სახით „რემე-  
დასის“ სასარგებლოდ სპეციალური გამოსაღები ყველა გასართობ სანახაობაში

(თეატრი, კინო, კონცერტი, ცირკი, საბილიარდო) შემსვლელზე ბილეთის ღირებულების 10% რაოდენობით.

**შენიშვნა.** ამ მუხლში აღნიშნული გამოსაღები გადახდევინებულ იქნეს იმ გამოსაღების გარეშე, რაც საამისოდ დაწესებულია საკავშირო კანონმდებლობის წესით.

4. ამა დადგენილებაში აღნიშნულ ღონისძიებით „რემედასი“ განახორციელებს ამ მიზნისათვის მოწყობილი დეკადის ჩამტარებელი განსაკუთრებული მთავარი რესპუბლიკანური კომიტეტის მეშვეობით.

სრულიად საქართველოს ცენტრალური აღმასრულებელი  
კომიტეტის თავმჯდომარე **მ. ცხაკაია.**

სრულიად საქართველოს ცენტრალური აღმასრულებელი  
კომიტეტის მდივანი **ს. თოდრია.**

1930 წ. ოქტომბრის 4.

ტფილისი-სასახლე.

გამოქვეყნებულია გაზ. „კომუნისტის“ 236 №-ში 1930 წ. ოქტომბრის 9.

## სახალხო კომისართა საბჭოს დადგენილება

### 303. დადგენილება ს. კ. ს.

საქართველოს სსრ-ის ტერიტორიაზე 1930-31 წ. წყლის გამოსაღების ჩატარების შესახებ.

სსრ კავშირის ცენტრალური აღმასრულებელი კომიტეტისა და სახალხო კომისართა საბჭოს 1930 წ. აგვისტოს 12-ის დადგენილებით (სსრკ კან. კრ. 1930 წ. № 39, მუხ. 419) დამტკიცებული წყლის გამოსაღების დებულების საფუძველზე და 1930-31 წ. წყლის გამოსაღების თაობაზე გამოცემული ა/კსფსრ სახალხო კომისართა საბჭოს 1930 წ. სექტემბრის 7-ის თარიღისა და 227 №-ის დადგენილების (გაზ. „ზარია ვოსტოკა“ № 244) თანახმად, საქართველოს სსრ სახალხო კომისართა საბჭო ადგენს:

1. შემოღებულ იქნეს მთლად საქართველოს სსრ ტერიტორიაზე ქვემო-დევნო მუხლებით გათვალისწინებული წესი 1930-31 წ. საგადასახადო წელს წყლის გამოსაღების ჩატარების შესახებ.

2. წყლის გამოსაღები შემოიღება საქართველოს სსრ წყლის ქსელის ექსპლოატაციისა და საქართველოს სსრ წყალთა მეურნეობის სამმართველოს გამგებლობაში მყოფ წყალ-სამეურნეო დაწესებულებათა ქვედა აპარატის შენახვისათვის საჭირო ხარჯების დასაფარავად.

წყლის გამოსაღებით შემოსული თანხებიდან გაწეულ უნდა იქნეს წყლის ქსელის ექსპლოატაციისთან დაკავშირებული შემდეგი ხარჯები:



ა) წყალ-სამეურნეო გამართულობათა და ნაგებობათა მიმდინარე რემონტი და აგრეთვე ამ სამუშაოთა შესრულებასთან დაკავშირებული პროექტირება;

ბ) არსებულ წყლის სისტემათა საექსპლოატაციო დარგის ორგანოების სასამსახურო, სასაწყობო და სხვა სადგომების შენახვა და რემონტი;

გ) არსებულ წყლის სისტემათა სატელეფონო კავშირგაბმულობის შენახვა და რემონტი;

დ) საექსპლოატაციო ჰიდრომეტრია და მიმდინარე სტატისტიკა;

ე) საერთო სარგებლობის არხების გასწვრივ ხეების დაცვა;

ვ) რწვევის პერიოდში წყლის განაწილების მოწესრიგებისათვის საჭირო სამუშაოები;

ზ) ქვედა წყალ-სამეურნეო დაწესებულებათა საექსპლოატაციო შტატის შენახვა, აგრეთვე მერაბებისა, ჯგუფებისა, ყარაულებისა, მოარული დარაჯებისა და სხვ. სრული შენახვა.

**შენიშვნა.** მთლად საირიგაციო სისტემაზე საწარმოები ახალი დიდი და წვრილი მშენებლობის ხარჯები წყლის გამოსაღებით არ დაიფარება.

3. წყლის გამოსაღები გადაზღდება ყველა იმ სახელმწიფო ორგანოს, კოოპერატიულ და კერძო ორგანიზაციას და კერძო პირს, რომელიც გამოიყენებს წყალ-სამეურნეო სისტემას სასოფლო-სამეურნეო დანიშნულების მიწების მორწყვისა ან მელიორაციისათვის, აგრეთვე ვინც მოიხმარს წყალს ან გამოიყენებს წყლის ენერჯიას სამრეწველო ან სატექნიკო მიზნით.

**შენიშვნა.** წყლის გამოსაღები არ უნდა გადახდეს იმ წყალმომქმედ საწარმოს, რომელმაც წყალს ხმარობს, როგორც ამამოდრავებელ ძალას ან ტექნიკური და სამრეწველო მიზნით პირდაპირ ბუნებრივ წყალსათვისიდან (მდინარიდან, ტბიდან ან სხვ.).

4. წყლის გამოსაღები სოფლად გამოიანგარიშება შემოსავლის მიხედვით, რასაც მეურნეობა მიიღებს ფულად და ნატურად შემდეგი წყაროებიდან: 1) სარწყავი მიწიდან, რაზედაც ვაშენებულა როგორც სამინდვრე კულტურები, ისე სოფლის მეურნეობის სპეციალური დარგები (ბალი, ვენახი, ბოსტანი და სხვ.); 2) სამრეწველოდან, რომელიც წყლის ენერჯიას გამოიყენებით მუშაობს.

5. წყლის გამოსაღებით დასაბეგრი შემოსავლის რაოდენობა სარწყავი მიწისა სოფლად განისაზღვრება შემოსავლიანობის იმ ნორმების მიხედვით რაც კანონით დადგენილია უწყებულ საგადასახადო წელს ერთიანი სასოფლო-სამეურნეო გადასახადით დასაბეგრისათვის. ამისათვის შეგამებულ უნდა იქნეს ამ ნორმების მიხედვით გამოანგარიშებული შემოსავალი თვითეულ მეურნეობის ყველა კულტურისა, რაც-კი სარწყავი მიწებზეა.

**შენიშვნა 1.** წყლის გამოსაღებით დასაბეგრი შემოსავალი გამოიანგარიშება ნორმების მიხედვით იმ კოლექტიურ მეურნეობებშიაც, რომელნიც ერთიანი სასოფლო-სამეურნეო გადასახადით უწყებულ საგადასახადო წელს იბეგრებიან ანგარიშგების მიხედვით.

**შენიშვნა 2.** ინდივიდუალური წესისამებრ ერთიანი სასოფლო-სამეურნეო გადასახადით დასაბეგრავ კულაკურ მეურნეობაში (25 მუხ. საქართველოს სსრ სახალხო კომისართა საბჭოს 1930 წ. მარტის 16-ის

დადგენილებისა საქართველოს სსრ ტერიტორიაზე 1930-31 წ. ერთიანი სასოფ.-სამ. გადასახადის ჩატარების შესახებ,—საქ. სსრ კან კრ. 1930 წ. 15 №-ი, მუხ. 245) წყლის გამოსაღებით დასაბეგრი შემოსავლის რაოდენობა სარწყავი მიწისა განისაზღვრება იმ თანხით, რაც სარაიონოსაგადასახადო კომისიის მიერ დადგენილია ამ მიწის ერთიანი სასოფლო-სამეურნეო გადასახადით დაბეგვისათვის.

6. წყლის გამოსაღებით დასაბეგრი შემოსავალი სოფლად მდებარე წყალმომკმედი საწარმოსი, რომელიც ერთიანი სასოფლო-სამეურნეო გადასახადით იბეგრება, განისაზღვრება ამ საწარმოს შემოსავლის იმ თანხით, რაც უწყებულ წელს დაბეგრილია ერთიანი სასოფლო-სამეურნეო გადასახადით.

7. წყლის გამოსაღების რაოდენობა თვითეული ინდივიდუალური მეურნეობისათვის სოფლად განისაზღვრება სარწყავი მიწისა და წყალმომკმედი საწარმოს დასაბეგრი შემოსავლის თანხის მიხედვით, რაც გამოანგარიშებულ უნდა იქნეს ამა დადგენილების მე-5 და 6 მუხლების თანახმად, შემდეგი განაკვეთლები-სამებრ.

როდესაც საერთო თანხა მეურნეობის შემოსავლისა, რაც ერთიანი სას.-სამ. გადასახადით იბეგრება, არის:

წყლის გამოსაღებით დასაბეგრი შემოსავლის თვითეულ მანეთზე:

არა უმეტეს 100 მანეთისა . . . . .	2 კაპ.
100 მანეთზე მეტი 200 მან-მდე . . . . .	3 კაპ.
200 " " 300 " . . . . .	5 "
300 " " 400 " . . . . .	7 "
400 " " 500 " . . . . .	9 "
500 " " 600 " . . . . .	11 "
600 " " 700 " . . . . .	14 "
700 " " 800 " . . . . .	17 "
800 " " 1,000 " . . . . .	21 "
1.000 " " . . . . .	24 "

**შენიშვნა.** ინდივიდუალურ საშუალო მეურნეობას, სადაც 7 ან 8 მკამელია შეწყერილი წყლის გამოსაღები შეუმცირდება 5%/-ით, იმ მეურნეობას, სადაც 9 ან 10 მკამელია—10%/-ით და სადაც 11 ან მეტი მკამელია—15%/-ით.

8. კულაკური მეურნეობანი, რომელნიც ინდივიდუალური წესით იბეგრებიან, წყლის გამოსაღებს გადაიხდიან შემდეგი რაოდენობით:

როდესაც სასოფ.-სამ. გადასახადით დასაბეგრი შემოსავალი არის:

წყლის გამოსაღებით დასაბეგრი შემოსავლის თვითეულ მანეთზე:

500 მანეთამდე . . . . .	12 კაპ.
500 მან-ზე მეტი 600 მანეთამდე . . . . .	16 "
600 " " 700 " . . . . .	20 "
700 " " 800 " . . . . .	24 "
800 " " 900 " . . . . .	30 "
900 " " 1000 " . . . . .	36 "
1000 " " . . . . .	40 "

9. კოლექტიური მეურნეობანი წყლის გამოსაღებით დაიბეგრებიან მტკიცე განაკვეთებით, მიუხედავად სასოფლო-სამეურნეო გადასახადით დაბეგვრისათვის გამოანგარიშებული შემოსავლისა, შემდეგი რაოდენობით:

ა) სასოფლო-სამეურნეო არტელი და მიწის საერთო შრომით დამმუშავებელი ამხანაგობა გადაიხდის 3,75 კაპ. წყლის გამოსაღებით დასაბეგრი შემოსავლის თვითიულ მანეთზე;

ბ) სასოფლო სამეურნეო კომუნა გადაიხდის 3 კაპ. წყლის გამოსაღებით დასაბეგრი შემოსავლის თვითიულ მანეთზე.

10. უკეთუ კოლექტიური მეურნეობის წევრს შენარჩუნებული აქვს ინდივიდუალური მეურნეობა, წყლის გამოსაღები ამ მეურნეობისათვის გამოანგარიშება შემდეგნაირად:

ა) იმ სარწყავი მიწის შემოსავალზე, რაც დაქვრილია კოლმეურნეობის წევრის ინდივიდუალურ სარგებლობაში დარჩენილი საშემოდგომო ნათესით, გადახდევინებულ უნდა იქნეს 3,75 კაპ. საერთო ფართობის ნორმატიულად გამოანგარიშებული შემოსავლის თვითიულ მანეთზე;

ბ) დანარჩენ შემოსავალზე—ამა დადგენილების მე-7 მუხლში აღნიშნული განაკვეთების ტაბულის მიხედვით.

**შენიშვნა.** განთავისუფლებულია წყლის გამოსაღებისაგან კოლმეურნეობის იმ წევრის ინდივიდუალური მეურნეობა, რომელიც საგადასახადო წლის წინა წელს მცირე-ძალოვნობის გამო სასოფლო-სამეურნეო გადასახადისაგან განთავისუფლებული იყო.

11. მარტივი ამხანაგობის წევრის შემოსავალი წყლის გამოსაღებით დაიბეგრება ამ ამხანაგობის წევრის ინდივიდუალურ მეურნეობაში.

12. საბჭოთა მეურნეობას წყლის გამოსაღები, მიუხედავად სასოფლო-სამეურნეო გადასახადით დაბეგვრისათვის გამოანგარიშებული შემოსავლის საერთო თანხისა, გადახდება 5 კაპ. რაოდენობით წყლის გამოსაღებით დასაბეგრი შემოსავლის თვითიულ მანეთზე.

13. კოლექტიურ მეურნეობებს წყლის გამოსაღებით დაბეგვრის სფეროში მიენიჭებათ შემდეგი შეღავათები:

ა) წყლის გამოსაღებისაგან განთავისუფლდება ყველა კოლექტიური მეურნეობა, რომელიც უწყებულ წელს დაუბეგრავე მიწის მიხედვით განთავისუფლებულია სასოფლო-სამეურნეო გადასახადისაგან;

ბ) იმ მცირეძალოვან კოლექტიურ მეურნეობას, რომელსაც სარაიონო საგადასახადო კომისიის დადგენილებით სასოფლო-სამეურნეო გადასახადი 50%-ით აქვს შემცირებული, წყლის გამოსაღებიც 50%-ით შეუმცირდება;

გ) წყლის გამოსაღებით დასაბეგრი შემოსავლის გამოანგარიშების დროს შემოსავალი სარწყავი მიწისა, რაც ეკუთვნის კოლექტიური მეურნეობის იმ წევრს, რომელიც წარსულ წელს მცირე-ძალოვნობის გამო სასოფლო-სამეურნეო გადასახადისაგან განთავისუფლებული იყო, შემცირდება 75%-ით;

დ) სარწყავ მიწაზე ნათესი ფართობის ნამატი, რაც სასოფლო-სამეურნეო გადასახადისაგან განთავისუფლებულია, წყლის გამოსაღებისაგანაც განთავისუფლდება;



ე) ბაზმით და სხვა სპეციალური კულტურებით დაქვრივი სარწყავი მიწების წყლის გამოსაღებით დასაბეგრი შემოსავლის გამოანგარიშების დროს შეფარდებულ უნდა იქნეს ყველა შეღავათი რაც დაწესებულია ამ მიწების 1930-31 წელს სასოფლო-სამეურნეო გადასახადით დაბეგვისათვის;

ვ) 1930 წლის მაისის 1-მდე დაარსებული წითელარმიელთა კოლექტიური მეურნეობა და ყოფ. წითელგვარდიელებისა და წითელპარტიზანების მიერ მოწყობილი კოლექტიური მეურნეობა განთავისუფლდება წყლის გამოსაღებისაგან ორი წლის განმავლობაში მეურნეობის დაარსების დღიდან; ამასთანავე ეს შეღავათი შეფარდებულ არ უნდა იქნეს მთლიანი კოლექტივიზაციის რაიონებში;

ზ) გადასახლებულ წითელარმიელთა კოლექტიური მეურნეობა და ყოფ. წითელგვარდიელებისა და წითელპარტიზანების მიერ მოწყობილი კოლექტიური მეურნეობა განთავისუფლდება წყლის გამოსაღებისაგან ორი წლის განმავლობაში მეურნეობის მოწყობის დღიდან.

**შენიშვნა.** „ვ“ და „ზ“ პუნქტებში აღნიშნული შეღავათები მიენიჭება კოლექტიურ მეურნეობას იმ შემთხვევაში: 1) უკეთეს კოლექტიური მეურნეობა მოწყობილია მერიგეთა და თავმდგომთა საკადრო შედგენილობის სამხედრო მსახურთა მიერ არა უგვიანეს ერთი წლისა წითელ არმიის რიგებიდან დათხოვნის დღიდან, ან და ტერიტორიალური ნაწილის მერიგეთა და უმცროს თავმდგომთა ცვალებადი შედგენილობის სამხედრო მსახურთა მიერ; 2) უკეთეს აღნიშნული კატეგორიის სამხედრო მსახურნი ან ყოფ. წითელგვარდიელები და წითელპარტიზანები კოლექტიური მეურნეობის შრომის-უნარიან მამაკაც-წევრთა საერთო რიცხვის ნახევარს მაინც შეადგენენ.

14. ინდივიდუალურ მეურნეობათა (გარდა კულაკურისა) წყლის გამოსაღებით დაბეგვის დროს შეფარდებულ უნდა იქნეს შემდეგი შეღავათები:

ა) წყლის გამოსაღებისაგან განთავისუფლდება ყველა მცირემდლოვანი მეურნეობა, რომელიც უწყებულ საგადასახადო წელს განთავისუფლებულ იქნა სასოფლო-სამეურნეო გადასახადისაგან როგორც დაუბეგრავი მინიმუმის მიხედვით, ისე სარაიონო საგადასახადო კომისიის დადგენილებით;

ბ) სარწყავ მიწაზე ნათესი ფართობის ნამატი, რაც სასოფლო-სამეურნეო გადასახადისაგან განთავისუფლებულია, წყლის გამოსაღებისაგანაც განთავისუფლდება;

გ) ბაზმით დაქვრივი სარწყავი მიწების წყლის გამოსაღებით დასაბეგრი შემოსავლის გამოანგარიშების დროს შეფარდებულ უნდა იქნეს ყველა შეღავათი, რაც დაწესებულია ამ მიწების 1930-31 წელს სასოფლო-სამეურნეო გადასახადით დაბეგვისათვის;

დ) წყლის გამოსაღებისაგან განთავისუფლდება წყლის მოსარგებლეთა კოლექტიური შენაერთი (სამელორაციო ამხანაგობა), რომელმაც იკისრა წყლის სისტემის ექსპლოატაცია პოლიანად ან ნაწილობრივ და აგრეთვე ამ ექსპლოატაციასთან დაკავშირებული ხარჯები, რაც გათვალისწინებულია ამა დადგენილების მე-2 მუხლში.

**შენიშვნა.** წინადადება მიეცეს საქართველოს სსრ შემინდგრეთა კავშირს ერთი კვირის ვადაზე წარმოადგინოს იმ სამელიორაციო ამხანაგობათა სია, რომელთა აპარატისა და ქსელის შენახვასთან დაკავშირებულ 1930-31 წლის ყველა ხარჯის თვითდაბეგვრის წესით დაფარვას უზრუნველყოფს ეს კავშირი.

15. კულაკურ მეურნეობათ, რომელნიც სასოფლო-სამეურნეო გადასახადით ინდივიდუალური წესით იბეგრებიან, წყლის გამოსაღების სფეროში არავითარი შეღავათი არ მიენიჭებათ.

16. ქალაქისა და საქალაქო ტიპის დასახლებული ადგილისათვის, აგრეთვე ერთიანი სასოფლო-სამეურნეო გადასახადით დაუბეგრავი საწარმოსათვის, რომელიც წყალს გამოიყენებს სამრეწველო და სატექნიკო მიზნით ან როგორც ამამოძრავებელ ძალას (სხვათა შორის—რკინის გზისათვისაც) წყლის გამოსაღები დაწესდება შემდეგი განაკვეთებით:

- ა) სარწყავი მიწის ნაკვეთის თვითულ კვადრატულ მეტრზე—0,2 კაპ.;
- ბ) ადგილობრივ ტიპის წყალმომქმედ საწარმოსათვის (წისქვილი, სანაყავი და სხვ.) ყოველ თვალზე, ყოველ ვალცენზე ან წყვილ მორგზე,—იმის მიხედვით, წყალი იმავე არხში ვარდება თუ სხვა არხში—5—15 მან.;
- გ) საინჟინერო ტიპის წყალმომქმედ საწარმოსათვის (მექანიკური ძრავით), რომელიც წყალს გამოიყენებს როგორც ამამოძრავებელ ძალას,—თვითულ ძალაზე—იმის მიხედვით, წყალი იმავე არხში ვარდება თუ სხვა არხში—10—20 მან.;
- დ) იმ საწარმოსათვის, რომელიც წყალს გამოიყენებს სამრეწველო და სატექნიკო მიზნით (სხვათა შორის რკინის გზისთვისაც)—მოსახმარებელი წყალის რაოდენობის მიხედვით—თითულ კილო-ლიტრაზე—1—65 კაპ.

17. წყლის ქსელის საექსპლოატაციო ხარჯების დასაფარავად, წყლის გამოსაღების აკრეფამდე, სათანადო წყალსამეურნეო ორგანოებს შეუძლიან მიიღონ სასოფლო-სამეურნეო ბანკებიდან მოკლევადიანი სესხი, რაც დაფარულ უნდა იქნეს წყლის გამოსაღების თანხებით.

სესხის მიღებისათვის თვითულ ცალკე შემთხვევაში საჭიროა საქართველოს სსრ სახალხო კომისართა საბჭოს დადგენილება.

18. სავადასახადო წელიწადი წყლის გამოსაღებისათვის დაწესებულია მისის 1-დან აპრილის 30-მდე ამიანად.

19. წყლის გამოსაღები მთლად საქართველოს სსრ ტერიტორიაზე—მის შედგენილობაში შემავალი რესპუბლიკებითა და ოლქითურთ-ვადახდილ უნდა იქნეს ორ ვადაზე:

- 1930 წ. ნოემბრის 1-თვის . . . . . 50%<sup>0</sup> შეწერილი გამოსაღებისა
- 1930 წ. დეკემბრის 1-თვის . . . . . 50%<sup>0</sup> " " "

**შენიშვნა.** კულაკური მეურნეობანი, რომელნიც ინდივიდუალური წესით იბეგრებიან, წყლის გამოსაღებს სრულად გადაიხდიან ნოემბრის 1-სათვის.

20. წყლის გამოსაღების გამოანგარიშება და გადახდევინება დაეკისრება: ა) სოფლად და აგრეთვე ისეთ ქალაქში და ქალაქის ტიპის დასახლებულ ადგილას, სადაც მოსახლეობა დაბევრილია ერთიანი სასოფლო-სამეურნეო გა-

გადასახადით—იმ ორგანოებს, რომლებიც გათვალისწინებულ არიან „საქართველოს სსრ ტერიტორიაზე 1930-1931 წელს ერთიანი სასოფლო-სამეურნეო გადასახადის ჩატარების შესახებ“ გამოცემული საქართველოს სსრ სახალხო კომისართა საბჭოს 1930 წ. მარტის 16-ის დადგენილების 88 მუხლში (საქ. კან. კრ. 1930 წ. მე-5 №-ი, მუხ. 55);

ბ) ისეთ ქალაქში და ქალაქის ტიპის დასახლებულ ადგილას, სადაც მოსახლეობა ერთიანი სასოფლო-სამეურნეო გადასახადით დაბეგრილი არ არის,—იმ ორგანოებს, რომლებიც რენტის გამოანგარიშებას და გადახდევინებას აწარმოებენ.

**შენიშვნა.** წყლის გამოსაღების გადახდევინება შეიძლება ერთიანი სასოფლო-სამეურნეო გადასახადის საშენაწერო ფურცლით ამ გადასახადთან ერთად.

21. წყლის გამოსაღების გადახდელთა განცხადებები და საჩივრები შეიტანება სასოფლო-სამეურნეო გადასახადის სარაიონო და საქალაქო კომისიებში და განიხილება ორი კვირის ვადაზე დღიდან მათი შეტანისა.

განცხადებებისა და საჩივრების შეტანისათვის დაწესებულია შემდეგი ვადები:

ა) საჩივარი შემოსავლის წყაროების არასისწორით აღნუსხვისა, შემოსავლის განსაზღვრისა და გამოსაღების გამოანგარიშების შესახებ, აგრეთვე განცხადება შეღავათის მინიჭების შესახებ,—გარდა შეღავათებისა სტიქიურ უბედურების გამო,—შეტანილ უნდა იქნეს არა უგვიანეს ერთი თვისა გადახდელისათვის საშენაწერო ფურცლის ჩაბარების დღიდან;

ბ) განცხადება სტიქიური უბედურების გამო შეღავათის მინიჭების შესახებ შეტანილ უნდა იქნეს ერთი თვის განმავლობაში იმ დროიდან, როცა სტიქიური უბედურება მოხდა.

22. გადახდელს, რომელიც წყლის გამოსაღებს დაწესებულ ვადაზე არ გადაიხდის, შეიფარდება გადასახადთა გადახდევინების დებულებით გათვალისწინებული ღონისძიება.

23. წყლის გამოსაღების გადახდელნი, მიუხედავად ამ გამოსაღების გადახდისა, გაიწვეიან ნატურალურ წყალსამეურნეო ბეგარაზე განსაკუთრებული კანონის თანახმად.

24. წყლის გამოსაღებით შემოსული თანხა ჩაირიცხება საქართველოს სსრ-ის სახალხო კომისართა საბჭოს სპეციალურ სახსარში და მოხმარდება მხოლოდ ამ დადგენილების მე-2 მუხლში აღნიშნულ საქიროებას.

ამ თანხების მიღებისათვის თვითულ ცალკე შექმთხვევაში საქიროა საქართველოს სსრ სახალხო კომისართა საბჭოს დადგენილება.

25. ინსტრუქციებს ამა დადგენილების შეფარდებისათვის გამოსცემს საქართველოს სსრ ფინანსთა სახალხო კომისარიატი—სათანადო შემთხვევაში საქართველოს სსრ წყალთა მეურნეობის სამმართველოსთან შეთანხმებით.

საქართველოს სსრ სახალხო კომისართა

საბჭოს თავმჯდომარე ფ. მახარაძე.

საქართველოს სსრ სახალხო კომისართა

საბჭოს საქმეთა მმართველი პ. მეგრელიშვილი.

1930 წ. სექტემბრის 25.

ტფილისი-სახალგ.

გამოკვეყნებულია ვახ. „კომუნისტის“ 233 №-ში 1930 წ. ოქტომბრის 5.



### 304. დადგენილება ს. კ. ს.

საქართველოს სსრ სამებამბეო მეურნეობის მოსავლიანობის გადიდებისა და მისი რეკონსტრუქციის ღონისძიებათა შესახებ.

1930/31 წელს ა/კფსრ-ში მებამბეობის განვითარების საკონტროლო ციფრების შესახებ გამოცემული ა/კფსრ სახალხო კომისართა საბჭოს 1930 წ. სექტემბრის 5-ის დადგენილების (გაზ. „ზარია ვოსტოკა“ № 249—1930 წ. სექტემბრის 15-ისა) აღსასრულებლად—საქართველოს სსრ სახალხო კომისართა საბჭო აღგენს:

1. დაევალოს ბორჩალოს, გურჯაანის და სიღნაღის სარაიონო აღმასრულებელ კომიტეტებს და აგრეთვე ტფილისის საქალაქო საბჭოს, ბამბის საწმენდი ქარხნების მმართველებთან, წყალთა ოლქების გამგებებთან, რაიონების ჰიდროტექნიკოსებთან, სამებამბეო კოოპერაციის სარაიონო შენაერთების გამგებებთან და კოლმეურნეობათა სარაიონო შენაერთებთან ერთად, კონკრეტულად ჩამოაყალიბონ სარაიონო დავალებანი მებამბეობის დარგში ცალკე სოფლებისა და კოლექტიურ მეურნეობების მიხედვით და ჩაატარონ დასათესი ფართობის გეგმის ფართოდ განხილვა საწარმოო გეგმის შედგენის წესით თვითეული სოფლისა და კოლექტიური მეურნეობისათვის, ხოლო სარწყავი ფართობის მიმართ— თვითეული სისტემისა და არხისათვის; ამასთანავე გამოარკვიონ ბამბის ფართობის გადიდების მაქსიმალური შესაძლებლობა და დაკვეთონ საჭირო ფართობი ბამბის თესვისათვის.

2. დაევალოს სამებამბეო კოოპერაციას და წინა მუხლში აღნიშნულ სარაიონო აღმასრულებელ კომიტეტებს და ტფილისის საქალაქო საბჭოს არა უგვიანეს მიმდინარე წლის სექტემბრის 30-სა დაიწყონ ყველა რაიონში კამპანია ბამბის დარგში 1931-32 წლისათვის (საბამბო მეურნეობის წლისათვის) მიცემულ დავალებათა განხილვის შესახებ და საწარმოო და თესვის გეგმების შედგენის შესახებ თვითეული სოფლისა და კოლექტიური მეურნეობისათვის; თანაც გეგმების შედგენა და განხილვა დამთავრებულ უნდა იქნეს არა უგვიანეს ა/წ. ნოემბრის 1-ისა. ამასთან ერთად, დაევალოს სამებამბეო კოოპერაციას იმავე პერიოდის განმავლობაში განახორციელოს მთესველთა სწორე რეგისტრაცია მებამბეობის მთავარი კომიტეტის ამიერკავკასიის განყოფილების მიერ შემუშავებული და სამებამბეო კოოპერაციასთან შეთანხმებული ბლანკების მიხედვით და მიუჩინოს ცალკეულ მეურნეობათ და კოლმეურნეობათ განსაზღვრული, წყლით უზრუნველყოფილი, ფართობები ბამბის თესვისათვის იმ ანგარიშით, რომ მთლად სწავებულ ფყალი მოხმარდეს მხოლოდ ბამბას და მაქსიმალურად იქნეს შემოღებული პრაქტიკაში ღამით მორწყვის სისტემა.

3. აიკრძალოს მებამბეობის რაიონებში სარწყავ, ბამბისათვის გამოსადეგ, მიწაზე დათესვა ბრინჯისა, კუნჭუტისა, სიმინდისა და სხვა მარცვლეული კულტურებისა, რომელთაც საზაფხულო წყალი ბამბასთან ერთად სჭირდებათ, და ამავე დროს აკრძალულ იქნეს ამ რაიონებში აღნიშნული კულტურების კონტრაქტაცია.



4. დაევალოს ამა დადგენილების 1-ლ მუხლში აღნიშნულ სარაიონო აღმასრულებელ კომიტეტებს და ტფილისის საქალაქო საბჭოს, მათი თავმჯდომარეების პირადი პასუხისმგებლობით, ყოველგვარი დახმარება გაუწიონ წყალთა მეურნეობის ორგანოებს წყალსარგებლობისა, ღამით რწყვისა, საზამთრო არატისა, ნატურალური ბეგარის წესით მოსახლეობის სამუშაოზე გასვლისა და წყლის გამოსაღების გადახდევინების მოწესრიგების საქმეში და აგრეთვე იმ ღონისძიებათა განხორციელების საქმეში, რაც მიმართული იქნება წყლის მოსარგებელთა შორის სათანადო საწარმოო დისციპლინის დასამყარებლად.

საქართველოს სახალხო კომისართა საბჭოს თავმჯდომარე ფ. მახარაძე.

საქართველოს სსრ სახალხო კომისართა საბჭოს

საქმეთა მმართველი პ. მეგრელიშვილი.

1930 წ. სექტემბრის 25.

ტფილისი-სასახლე.

გამოქვეყნებულია გაზ. „კომუნისტის“ 226 №-ში 1930 წ. სექტემბრის 27.

### 305. დადგენილება ს. კ. ს.

საცხოვრებელი საზოგადოების შოვნისა, დაქირავებისა და გაცვლა-გამოცვლი-სათვის საშუამავლო საბინაო ბიუროს დაარსების თაობაზე გამოცემული საქართველოს სსრ სახალხო კომისართა საბჭოს დადგენილების მე-8 მუხლის შენიშვნის შეცვლის შესახებ.

საქართველოს სსრ სახალხო კომისართა საბჭო ადგენს:

საცხოვრებელი სადგომების შოვნისა, დაქირავებისა და გაცვლა-გამოცვლი-სათვის საშუამავლო საბინაო ბიუროს დაარსების შესახებ გამოცემული საქართველოს სსრ სახალხო კომისართა საბჭოს 1929 წ. ნოემბრის 5-ის დადგენილების (საქ. სსრ კან. კრ. 1929 წ. 22 №-ით, მუხ. 279) მე-8 მუხლის შენიშვნა მიღებულ იქნეს შემდეგი რედაქციით:

„შენიშვნა. იმისათვის, რათა მშრომელებმა, რომელნიც ცხოვრობენ მუნიციპალურ სახლში, მათ შორის საბინაო-საიჯარო კოოპერატიული ამხანაგობის მიერ იჯარით აღებულ სახლში, და აგრეთვე კერძო ფლობელობის სახლში, გაუტყვალონ ერთმანეთს საცხოვრებელი სადგომი (კერძო ფლობელობის სახლში—კომუნალური ფონდის ფარგლებში), სახლის სა-მოურაოს თანხმობა საჭირო არ არის (სამოქ. სამ. კოდექსის 156<sup>1</sup> მუხლი)“.

საქართველოს სსრ სახალხო კომისართა

საბჭოს თავმჯდომარე ფ. მახარაძე.

საქართველოს სსრ სახალხო კომისართა საბჭოს

საქმეთა მმართველის მოადგილე ა. ანთაძე.

1930 წ. სექტემბრის 25.

ტფილისი-სასახლე.

### 306. დადგენილება ს. კ. ს.

სარაიონო აღმასრულებელ კომიტეტებთან და საქალაქო და სასოფლო საბჭოებთან არსებული საყოველთაო სავალდებულო დაწყებითი სწავლების დამხმარე კომიტეტების დებულების დამტკიცების შესახებ.

საქართველოს სსრ სახალხო კომისართა საბჭო ადგენს:

დამტკიცებულ იქნეს ამასთანავე დართული დებულება სარაიონო აღმასრულებელ კომიტეტებთან და საქალაქო და სასოფლო საბჭოებთან არსებული საყოველთაო სავალდებულო დაწყებითი სწავლების დამხმარე კომიტეტების შესახებ.

საქართველოს სსრ სახალხო კომისართა

საბჭოს თავმჯდომარე ფ. მახარაძე.

საქართველოს სსრ სახალხო კომისართა საბჭოს

საქმეთა მმართველის მოადგილე ა. ანთაძე.

1930 წ. სექტემბრის 30.

ტფილისი-სასახლე.

### დ ე ბ უ ლ ე ბ ა

სარაიონო აღმასრულებელ კომიტეტებთან და საქალაქო და სასოფლო საბჭოებთან არსებული საყოველთაო სავალდებულო დაწყებითი სწავლების დამხმარე კომიტეტების შესახებ.

1. საყოველთაო სავალდებულო სწავლების განხორციელებისა, სკოლის პოლიტექნიზაციისა და კულტურული მშენებლობის ტემპების გაძლიერების ამოცანების გარშემო სხვადასხვა ორგანიზაციების და ფართო საზოგადოებრივობის ძალებისა და მატერიალური სახსარის მობილიზაციის მიზნით სარაიონო აღმასრულებელ კომიტეტებთან და საქალაქო და სასოფლო საბჭოებთან, სათანადო აღმასრულებელი კომიტეტისა და საბჭოს პრეზიდიუმის დადგენილებით, მოეწყობა საყოველთაო სავალდებულო დაწყებითი სწავლებისა და სკოლის პოლიტექნიზაციის დამხმარე კომიტეტები.

2. კომიტეტებში შედიან: სარაიონო აღმასრულებელი კომიტეტის და საბჭოს სოციალურ-კულტურული განყოფილებისა, პარტიის, კომკავშირის და პიონერების ადგილობრივი ორგანიზაციებისა, ადგილობრივი საბჭოთა პროფესიონალური, სამეურნეო და კოოპერატიული ორგანიზაციებისა, კოლმეურნეობათა შენაერთის ან ცალკეულ კოლმეურნეობათა გამგეობებისა, საბჭოთა მეურნეობისა, „ბავშვის მეგობართა“ საზოგადოებისა, „ძირს უწიგნობა“-ს საზოგადოებისა, სოფლის და ქალაქის კავშირის საზოგადოებისა, „წერა-კითხვის“ საზოგადოებისა, მუშებისა და მოჯამაგირე, ღარიბი და საშუალო გლეხობისა და ქალთა ორგანიზაციების წარმომადგენელი. კომიტეტის თავმჯდომარის მოვალეობა დაეკისრება აღმასრულებელი კომიტეტის და საბჭოს თავმჯდომარეს—კუთვნილებისამებრ.



3. კომიტეტი აირჩევს პრეზიდიუმს თავმჯდომარისა, მისი მოადგილისა, მდივნისა და ხაზინადრის შედგენილობით.

4. საყოველთაო სავალდებულო დაწყებითი სწავლების დამხმარე კომიტეტის გამგებლობის საგანს შეადგენს:

ა) საბჭოთა საზოგადოებრივობის ძალებისა და ნივთიერი სახსარის მობილიზაცია მათი გამოყენებისათვის კულტურული მშენებლობის საქმეში მშრომელთა ფართო მასების თაოსნობის გამოქვეყნება, კულტურული მშენებლობისათვის ხელმძღვანელობის გაწევა;

ბ) კულტურული მუშაობის ერთიანი გეგმის შემუშავება და დამტკიცება თავისი მოქმედების რაიონებისათვის და აგრეთვე სათანადო ღონისძიებათა მიღება ამ გეგმის განსახორციელებლად;

გ) მშრომელთა მასაში აგიტაცია-პროპაგანდის წარმოება საყოველთაო სავალდებულო სწავლებისა და სკოლის პოლიტექნიზაციის განხორციელების საქმეში ჩქარი ტემპების უზრუნველყოფის აუცილებლობის შესახებ და აგრეთვე სათანადო ღონისძიებათა შემუშავება და გატარება ამ ამოცანების გადაწყვეტისათვის;

დ) შემუშავება, ხელმძღვანელი ორგანოების მიერ გამოქვეყნებულ დადგენილებათა საფუძველზე, კონკრეტული ღონისძიებების თავიანთ ტერიტორიაზე საყოველთაო სავალდებულო სწავლების შემოღებისა და სკოლის პოლიტექნიზაციისათვის; იმავე დროს სკოლაში მისაღებ ბავშვთა და მოზარდთა რიცხვის გამორკვევა, იმ პუნქტების არჩევა, სადაც ახალი სკოლები უნდა მიეწყოს, და ზრუნვა დასახული გეგმის განხორციელებისათვის;

ე) სკოლების არსებული და ახალი ქსელის უზრუნველყოფა საჭირო შენობებით (ახალი სკოლების აგება, არსებული სკოლების შეკეთება-ვაფართოება, კონფისკებული სახლების მიღება და გადაკეთება სკოლისათვის გამოსაყენებლად, დროებითი სადგომების დაქირავება, ღონისძიების მიღება, რათა სკოლებს დაუბრუნდეს ამჟამად არაპირდაპირი დანიშნულებით გამოყენებული შენობები, სკოლებისათვის საჭირო ინვენტარის, და სასწავლო მოწყობილობის შეძენა და სხვ.);

ვ) გადამწყვეტ ღონისძიებათა შემუშავება და განხორციელება სკოლების პოლიტექნიზაციისათვის—მათი საწარმოზე მიმავრებით (ფაბრიკაზე, ქარხანაზე, საბჭოთა მეურნეობაზე, კოლმეურნეობაზე, მსხვილ სახელოსნოზე, ელექტრო-სადგურზე); სკოლებთან სოფლის მეურნეობის ცალკეული დარგებისა და სახელოსნოების მოწყობა სამეურნეო, კოოპერატიული და პროფესიონალური ორგანიზაციების უშუალო მონაწილეობით და მათი ნივთიერი დახმარებით;

ზ) თვალყურის დევნება და სათანადო ღონისძიებათა მიღება, რათა როგორც დაწესებულებებმა, ისე მოსახლეობამ დაუბრკოლებლად აღასრულოს საყოველთაო სწავლების კანონი;

თ) საზოგადოებრივი სახსარის შეგროვება და გამოყენება ღარიბთა ფონდის შესაქმნელად და მოსწავლე ახალგაზრდობის უღარიბესი ნაწილის უზრუნველსაყოფად ტანსაცმელით, ფეხსაცმელით, სასწავლო ნივთებით, საერთო საცხოვრებლებით, ცხელი საუზმით და სხვ.;

ი) პრაქტიკულ ღონისძიებათა შემუშავება და განხორციელება იმისათვის, რათა სკოლები, „სახელგამისა“ და კოოპერაციის დახმარებით, თავის დროზე იქნენ მომარაგებული საჭირო რაოდენობის სასწავლო წიგნებით, ხელსაწყოებით და სხვა სათანადო საგნებით;

კ) პედაგოგების საჭირო კადრის გამორკვევა და განათლების ორგანოებისათვის სათანადო მოთხოვნების თავის დროზე წარდგენა, ყოველგვარი ხელმისაწვდენი საშუალებისა და შესაძლებლობის გამოყენება პედაგოგიური პერსონალის კვალიფიკაციის ამაღლებრისათვის;

ლ) ჩამორჩენილ მოსწავლეებთან დამატებითი მეცადინეობის ორგანიზაცია და ორწლიანობის წინააღმდეგ გადამწყვეტი ღონისძიების მიღება;

მოსამზადებელი კურსების მოწყობა მოჯამაგირეთა, ასაკ-გადაცილებულთა და საერთოდ მოზრდილთათვის იმ მიზნით, რათა ისინი მოქმედებდნენ და ამა თუ იმ სკოლაში შევიდნენ;

მ) თვალყურის დევნება და ზრუნვა მოსწავლე ახალგაზრდობის ჯანმრთელობისათვის სამკურნალო-პროფილაქტიური დახმარების მოწესრიგებით, რაშიაც უშუალო მონაწილეობა უნდა მიიღონ ჯანმრთელობის ორგანოებმა;

ნ) მატერიალური სახსარის შეგროვება კულტურული მშენებლობის საჭიროებისათვის, კერძოდ, სასყიდლიანი საღამოებისა, კონცერტებისა და სხვა სახეობის მოწყობა, შაბათობის, კვირეულების და ერთთვიურების ორგანიზაცია მოსახლეობის ნებაყოფლობითი ფიზიკური შრომის ფართოდ გამოყენებით;

ო) საზოგადოებრივი კონტროლის ორგანიზაცია საყოველთაო სავალდებულო სწავლების განხორციელებისა, სკოლის პოლიტექნიზაციისა და საერთო მთელი კულტურული მშენებლობის საქმისათვის;

პ) ღონისძიების ხმარება მოზრდილთა შორის უწყინობის ლიკვიდაციისათვის და სათანადო მუშაობის წარმოება პოლიტიკურ-განმანათლებელი საქმის ყველა მხარის მოწესრიგებისათვის.

5. საყოველთაო სავალდებულო სწავლებისა და სკოლის პოლიტექნიზაციის დამხმარე კომიტეტების დადგენილება ძალაში შედის მხოლოდ მას შემდეგ, რაც მას დამატაციებს სათანადო აღმასრულებელი კომიტეტი და საბჭო კუთვნილებისამებრ.

6. ნივთიერი სახსარი, რასაც შეაგროვებენ სარაიონო აღმასრულებელი კომიტეტები და საბჭოები თავიანთი მოქმედების ტერიტორიაზე, დაიხარჯება ადგილობრივ საყოველთაო სავალდებულო სწავლებისა და სკოლის პოლიტექნიზაციის ამოცანების შესაბამისად.

7. რათა დიდ ქალაქებში და იმ რაიონებში, სადაც შედარებით მრავალრიცხოვანი მოსახლეობაა, საყოველთაო სავალდებულო სწავლებისა და სკოლის პოლიტექნიზაციის ცალკეულ დარგებზე წარმოებული მუშაობა სათანადოდ გაფართოვდეს, შეიძლება კომიტეტების მუშაობა დაყოფილ იქნეს სექციებად, მაგალითად: სამშენებლო, საფინანსო, საგეგმო, საავტოცაო-საპროპაგანდო, ღარიბთა ფონდის, პოლიტექნიზაციის და სხვ. სექციები.

8. კომიტეტები მოისმენენ დეკადაში ერთხელ ანგარიშს საყოველთაო სავალდებულო სწავლების შემოღებისა და სკოლის პოლიტექნიზაციისათვის ჩატა-

რებული მუშაობის შედეგების შესახებ, და გამოიტანენ დადგენილებას მუშაობის შემდგომი გაფართოებისა და გაუმჯობესების შესახებ. მოკლე ანგარიში მუშაობის შესახებ სისტემატიურად გაიგზავნება პრესაში.

9. სარაიონო აღმასრულებელ კომიტეტებთან და საქალაქო საბჭოებთან არსებული საყოველთაო სავალდებულო სწავლების დამხმარე კომიტეტები ექვემდებარებიან საყოველთაო სავალდებულო სწავლების რესპუბლიკანურ კომიტეტს და ყოველ დეკადაში წარუდგენენ მას თავიანთი მუშაობის ანგარიშს. სარაიონო კომიტეტები, თავის მხრივ, ხელმძღვანელობას გაუწევენ სასოფლო საბჭოებთან არსებული კომიტეტების მუშაობას.

10. კომიტეტების მუშაობის გამაუმჯობესებელ მეთოდებად უნდა იყოს: სოციალისტური შეჯიბრება კომიტეტებს შორის, დამკვირვლობა, მასიური კულტურული ლაშქრობა, საზოგადოებრივი შემოწმება და ბრძოლა შეგებებული საფინანსო-საწარმოო გეგმის შესრულებისათვის.

### 307. დადგენილება ს. ქ. ს.

1928/29 და 1929/30 წლებში გაცემული სათესლე სესხის გადახდევინების წესის შესახებ.

საქართველოს სსრ სახალხო კომისართა საბჭო ადგენს:

1. დადგენილ იქნეს შემდეგი წესი სათესლე სესხის გადახდევინებისა:

ა) 1928/29 და 1929/30 წლებში გაცემული სათესლე სესხი, მიუხედავად იმისა, — ნატურად იყო იგი გაცემული თუ ფულად, გადახდევინებულ უნდა იქნეს მარტოდენ ნატურად 18,43 კილოგრამის (1 ფუთი და 50 გირ.) რაოდენობით 16,38 კილოგრამ (1 ფუთი) გაცემულ სათესლე მარცვალზე; ამასთანავე ფულადი სესხის მარცვალზე გადატანისათვის ანგარიშში უნდა იქნეს მიღებული მტკიცე დასამზადებელი ფასები, რაც სესხის გაცემის დროს დაწესებული იყო ა/კსფსრ ვაქრობის სახალხო კომისარიატის რწმუნებულის მიერ (საქართველოს სსრ-ში);

ბ) საკრედიტო ამხანაგობის მიერ გაცემული სათესლე სესხის დასაფარავად, ეს ამხანაგობა შეადგენს იმ პირთა სიას, ვისაც სათესლე სესხი ჰმართებს და წარუდგენს ამ სიას დამზადებელ ორგანიზაციას, რომელიც მარცვლის რეალიზაციისას, პროდუქციის ჩამბარებელთან ანგარიშის გასწორების დროს, დაუჭერს ჩამბარებელს დავალიანებას საკრედიტო ამხანაგობის მიმართ სათესლე სესხის სფეროში და გადახდევინებულ სესხს გადასცემს კუთვნილებისამებრ.

იმ შემთხვევაში, როდესაც სათესლე სესხი უშუალოდ სასოფლო-სამეურნეო კოოპერაციამ დაარჩია და სასოფლო-სამეურნეო საკრედიტო ამხანაგობას ოპერაცია ჯერ კიდევ არ გაუფორმებია, მოვალეთა სიას სათესლე სესხის ამ ნაწილისათვის გადასცემს დამზადებელ პუნქტებს სასოფლო სამეურნეო კოოპერაცია.

2. წინადადება მიეცეს მიწათმოქმედების სახალხო კომისარიატს გამოსცეს, სრულიად საქვეშარო სასოფლო-სამეურნეო კოოპერატიულ საქალმეურნეო ბან-



კის ამიერკავკასიის კონტორასთან შეთანხმებით, ინსტრუქცია ამა დადგენილების შეფარდებისათვის.

3. წინადადება მიეცეს სასოფლო-სამეურნეო საკრედიტო კოოპერაციას განსახლეროს იმ ზარალის რაოდენობა, რაც მას 1928/29 წელს სათესლე სესხის კოოპერაციებით მოუვიდა და დასეას საკითხი ამ ზარალის საბიუჯეტო ასიგნებიდან დაფარვის შესახებ.

4. საქართველოს სსრ სახალხო კომისართა საბჭოს დადგენილება 1930 წ. აგვისტოს 30-ის რედაქციით გაუქმებულ იქნეს.

საქართველოს სსრ სახალხო კომისართა საბჭოს  
თავმჯდომარის მოადგილე გ. მგალობლიშვილი.

საქართველოს სსრ სახალხო კომისართა საბჭოს  
საქმეთა მმართველის მოადგილე ა. ანთაძე.

1930 წ. სექტემბრის 30.

ტფილისი-სასახლე.

გამოქვეყნებულია გაზ. „კომუნისტის“ 234 №-ში 1930 წ. ოქტომბრის 7.

### 318. დადგენილება ს. კ. ს.

საქართველოს სსრ ეკონომიურ საბჭოსთან სარეწაო კოოპერაციისა და შინამრეწველობის კომიტეტის მოწყობის შესახებ.

საქართველოს სსრ სახალხო კომისართა საბჭო ადგენს:

1. საქართველოს სსრ ეკონომიურ საბჭოსთან მოეწყობა სარეწაო კოოპერაციისა და შინამრეწველობის კომიტეტი.

2. კომიტეტს დაეკისრება საქართველოს სსრ-ის ფარგლებში:

ა) ხელი შეუწყოს შინამრეწველების დაკოოპერირებას;

ბ) განსახლეროს სარეწაო კოოპერაციის დამოკიდებულება სახელმწიფო მრეწველობასთან და სხვა კოოპერატიულ სისტემებთან, კერძოდ, კოლექტიურ მეურნეობებთან;

გ) შეათანხმოს საქართველოს სსრ-ის უწყებებისა და რესპუბლიკანური მნიშვნელობის ორგანიზაციების მუშაობა შინამრეწველობის სფეროში;

დ) შეიმუშაოს და წარუდგინოს დასამტკიცებლად საქართველოს სსრ მთავრობას პროექტი დადგენილებებისა სარეწაო კოოპერაციის და შინამრეწველობის შესახებ;

ე) მისცეს ხოლმე დასკვნა იმ პროექტების შესახებ, რაც შეტანილ იქნება საქართველოს სსრ სახალხო კომისართა საბჭოში და ეკონომიურ საბჭოში და რაც კომიტეტის მოქმედების საგანს მიეკუთვნება;

ვ) საერთო მეთვალყურეობა გაუწიოს მთავრობის იმ დადგენილებათა აღსრულებას, რაც სარეწაო კოოპერაციისა და შინამრეწველობას შეეხება;

ზ) მოიწვიოს ხოლმე ყრილობები და თათბირები სარეწაო კოპერაციისა და შინამრეწველობის საკითხების შესახებ.

3. კომიტეტის თავმჯდომარეს, მის მოადგილეს და წევრებს დანიშნავს საქართველოს სსრ ეკონომიური საბჭო.

4. კომიტეტს უფლება ეძლევა უშუალო ურთიერთი მიმართვა იქონიოს საქართველოს სსრ-ის, კერძოდ, აფხაზეთის სსრ-ის, აჭარისტანის ავტონომიური სსრ-ის და სამხრეთ-ოსეთის ავტონომიური ოლქის ყველა სახელმწიფო დაწესებულებასთან.

5. კომიტეტის შტატი და ხარჯთაღრიცხვა შეიტანება საქართველოს სსრ სახალხო კომისართა საბჭოს და ეკონომიური საბჭოს საქმეთა მმართველობის შტატსა და ხარჯთაღრიცხვაში.

საქართველოს სსრ სახალხო კომისართა  
 საბჭოს თავმჯდომარე ფ. მახარაძე.

საქართველოს სსრ სახალხო კომისართა საბჭოს  
 საქმეთა მმართველი პ. მეგრელიშვილი.

1930 წ. ოქტომბრის 7.  
 ტფილისი-სასახლე.

### 309. დადგენილება ს. კ. ს.

საქართველოს სსრ სახელმწიფო საგეგმო კომისიის სამშენებლო სექციის დებულების დამტკიცების შესახებ.

საქართველოს სსრ სახალხო კომისართა საბჭო ადგენს:

დამტკიცებულ იქნეს შემდეგი დებულება საქართველოს სსრ სახელმწიფო საგეგმო კომისიის სამშენებლო სექციის შესახებ.

საქართველოს სსრ სახალხო კომისართა  
 საბჭოს თავმჯდომარე ფ. მახარაძე.

საქართველოს სსრ სახალხო კომისართა საბჭოს  
 საქმეთა მმართველი პ. მეგრელიშვილი.

1930 წ. ოქტომბრის 7.  
 ტფილისი-სასახლე.

**დ ე ბ უ ლ ე ბ ა**

**საქართველოს სსრ სახელმწიფო საგეგმო კომისიის სამშენებლო სექციის შე-  
 სახებ.**

1. საქართველოს სსრ სახელმწიფო საგეგმო კომისიის სამშენებლო სექციის მიზანია განახორციელოს:

ა) მშენებლობის დაგეგმვა, ბ) მშენებლობის ტექნიკურ-ეკონომიური რეგულირება, გ) მშენებლობის ნორმირება, დ) მშენებლობის აღნუსხვა, ე) მშენებლობის რეკონსტრუქცია, ვ) მშენებლობის რაციონალიზაცია, ზ) მშენებლობისათვის ტექნიკურ-ეკონომიური ზედამხედველობის გაწევა და თ) მშენებლობის გეგმების აღსრულებისათვის თვალყურის დევნება.

2. პირველ მუხლში აღნიშნული მიზნების შესაბამისად საქართველოს სსრ სახელმწიფო საგეგმო კომისიის სამშენებლო სექციის მოვალეობას შეადგენს:

**ა. მშენებლობის დაგეგმვის სფეროში**

ა) შეადგინოს მშენებლობის ჯუმლობრივი გეგმები;

ბ) შეიმუშაოს საშენი მასალისა, მუშა-ძალისა, ტექნიკური პერსონალისა და მშენებლობის განსახორციელებლად საჭირო სხვა რესურსების წლიური და საპერსპექტივო ბალანსები;

გ) შეადგინოს სამშენებლო მრეწველობის (სამშენებლო მუშაობის წარმოება და საშენი მასალის მრეწველობა) განვითარებისა და ორგანიზაციის ჯუმლობრივი გეგმები, განსაზღვროს სამშენებლო მრეწველობის ცალკეული ელემენტების განვითარების ტემპების ძირითადი მაჩვენებლები;

დ) შეადგენოს საბინაო და კომუნალური მშენებლობისა და მეურნეობის ჯუმლობრივი წლიური და საპერსპექტივო გეგმები;

ე) გაანაწილოს საშენი მასალა მშენებელ ორგანიზაციათა შორის და საქართველოს სსრ-ის შედგენილობაში შემავალ რესპუბლიკებს და ოლქებს შორის;

ვ) შეიმუშაოს კონკრეტული ღონისძიებანი მშენებლობის გეგმების შესრულების უზრუნველსაყოფად და განახორციელოს ა/კსფსრ-ის სახელმწიფო საგეგმო კომისიის მიერ დადგენილი ღონისძიებანი (სამშენებლო სექტორის ხაზით).

**ბ. მშენებლობის ტექნიკურ-ეკონომიურ რეგულირებისა და ნორმირების სფეროში.**

ა) დაადგინოს, ა/კსფსრ სახელმწიფო საგეგმო კომისიის დირექტივების (სამშენებლო სექტორის ხაზით) შესაბამისად, მშენებლობის საერთო ტექნიკური წესები, ნორმები და პირობები და აგრეთვე მშენებლობის საერთო ტექნიკურ-ეკონომიური ნორმები და წესები. (ღირებულების ლიმიტები გადიდრონებული საზომები, საშენი მასალისა და მუშა-ძალის მოხმარების ნორმები, ზედნადები ხარჯების ნორმები და საცნობარო ფასები, სამუშაოს და მასალის მიღებისა და ჩაბარების წესები, მუშაობის წარმოების ტექნიკური პირობები და სხვ.), სადირექტივო ხელმძღვანელობა გაუწიოს საქართველოს სსრ-ის შედგენილობაში



შემავალი რესპუბლიკებისა და ოლქის საგეგმო-სამშენებლო ორგანოების მუშაობას და აგრეთვე უწყებების ორგანოების მუშაობას ამ დარგში;

ბ) მისცეს დასკვნა ა/კსფსრ სახელმწიფო საგეგმო კომისიის მიერ (სამშენებლო სექტორის ხაზით) გამოსაცემად განზრახული ინსტრუქციების შესახებ და გამოსცეს თავისი ინიციატივით ინსტრუქციები და განმარტებანი მშენებლობის დარგში მომქმედი კანონმდებლობის შეფარდების შესახებ;

გ) მისცეს დასკვნა იმ წესებისა, ნორმებისა და კონკრეტული ღონისძიებების შესახებ, რომელთა დადგენასაც განიზრახავს ა/კსფსრ სახელმწიფო საგეგმო კომისია (სამშენებლო სექტორის ხაზით) ახალი ქალაქების მშენებლობისა და არსებული ქალაქების ბინებისა და ყოფაცხოვრების სოციალისტური რეკონსტრუქციის საფუძველზე გადაკეთების საკითხების სფეროში და აგრეთვე შეიმუშაოს და განსაზღვროს, უკეთუ საჭირო იქნება, ეს წესები, ნორმები და ღონისძიებანი სამშენებლო სექციის ინიციატივით;

დ) მისცეს დასკვნა ა/კსფსრ სახელმწიფო საგეგმო კომისიის მიერ (სამშენებლო სექტორის ხაზით) შეიმუშავებული დასახლებული ადგილების აღნაგობის წესებისა და ნორმების შესახებ და აგრეთვე შეიმუშაოს ეს წესები და ნორმები თავისი ინიციატივით;

ე) შეიმუშაოს სამშენებლო საქმის ორგანიზაციის გეგმა და სადირექტივო ხელმძღვანელობა გაუწიოს საქართველოს სსრ-ის შედგენილობაში შემავალი რესპუბლიკებისა და ოლქის საგეგმო-სამშენებლო ორგანოების მუშაობას და სახალხო კომისარიატებისა და ადგილობრივი ორგანოების მუშაობას აღნიშნული გეგმის განხორციელების საქმეში, კერძოდ, მშენებლობის ღირებულების შემცირებისა, რესურსების რაციონალურად გამოყენებისა, დანაკარგთან ბრძოლისა და სამშენებლო მუშაობის ხარისხის გაუმჯობესების საქმეში;

ვ) შეიმუშაოს საკანონმდებლო აქტები მშენებლობის საკითხების შესახებ.

ზ) შეადგინოს ხოლმე დასკვნა ყველა საკითხის შესახებ, რაც მშენებლობას შეეხება და რაც შეტანილ იქნება განსახილველად საქართველოს სსრ სახალხო კომისართა საბჭოში და ეკონომიურ საბჭოში.

### გ. მშენებლობის აღნუსხვის სფეროში.

აღნუსხოს საქართველოს სსრ-ის ტერიტორიაზე წარმოებული მშენებლობა და აგრეთვე დააწესოს იმ აღნუსხვის სისტემა და ფორმები, რაც ხორციელდება საქართველოს სსრ-ის შედგენილობაში შემავალი რესპუბლიკებისა და ოლქის სახელმწიფო საგეგმო კომისიების საგეგმო-სამშენებლო სექციებისა და რესპუბლიკანური ორგანიზაციების საგეგმო ორგანოების მეშვეობით.

### დ. მშენებლობის რეკონსტრუქციისა და რაციონალიზაციის სფეროში.

ა) წარმართოს და შეუთანხმოს რესპუბლიკის ორგანიზაციების მუშაობა მშენებლობის რაციონალიზაციისა, მუშაობის ახალი მეთოდების, მასალის და კონსტრუქციების გამოყენებასა და ტიპების და სტანდარტების შეიმუშავების სფეროში;

ბ) მისცეს დასკვნა ა/კსფსრ სახელმწიფო საგეგმო კომისიის სამშენებლო-სექტორის მიერ მშენებლობაში რეკონსტრუქციის განხორციელებისა, კერძოდ — ტიპიზაციისა და სტანდარტიზაციისა, მუდმივი მუშათა კადრების ძირითადი ფონდის შექმნისა და განუწყვეტელ წელიწადზე გადავლისათვის შემუშავებული გეგმისა და ძირითადი ღონისძიებების შესახებ და განახორციელოს ეს გეგმა და ღონისძიებები;

გ) მეთვალყურეობა და ხელმძღვანელობა გაუწიოს საცდელ მშენებლობას რესპუბლიკის ტერიტორიაზე და განაზოგადოოს არსებული მიღწევები;

დ) გამოსცეს ლიტერატურა სამშენებლო სექციის კომპეტენციის საკითხების შესახებ.

### ე. მშენებლობის პროექტების განხილვისა და მშენებლობისათვის სატექნიკო-საინჟინერო ზედამხედველობის გაწევის სფეროში.

ა) განიხილოს და შეათანხმოს ან დაამტკიცოს პროექტები, რაც მომქმედი კანონმდებლობით დაკისრებული აქვს საქართველოს სსრ სახელმწიფო საგეგმო კომისიას;

ბ) აღმოუჩინოს ტექნიკური დახმარება მშენებელ ორგანოებს რთული ტექნიკური საკითხების ექსპერტიზით;

გ) განახორციელოს სამშენებლო კონტროლი მთელი მშენებლობის მიმართ საქართველოს სსრ-ის ტერიტორიაზე, როგორც უშუალოდ, ისე საქართველოს სსრ-ის შედგენილობაში შემავალი რესპუბლიკებისა და ოლქის საგეგმო-სამშენებლო ორგანოებისა და ცალკეული რესპუბლიკანური ორგანიზაციების საგეგმო ორგანოების მეშვეობით ან და სხვა ორგანოების მეშვეობით, რომელთაც დაკისრებული აქვთ სამშენებლო კონტროლის გაწევის მოვალეობა.

### ვ. მშენებლობის გეგმის შესრულებისათვის მეთვალყურეობის გაწევის სფეროში.

ა) თვალყური ადევნოს მშენებლობისათვის საზადისს, მთავრობის ღირებულების აღსრულებას და სამშენებლო გეგმების განხორციელებას;

ბ) შეისწავლოს ცნობები სამშენებლო გეგმების შესრულების შესახებ და შეაფასოს ცალკეული მაჩვენებლების შედეგები;

გ) შეადგინოს პერიოდული ანგარიშები და მოხსენებანი სამშენებლო გეგმების შესრულების შესახებ მთავრობაში წარსადგენად.

3. საქართველოს სსრ სახელმწიფო საგეგმო კომისიის სამშენებლო სექციის უფლება ეძლევა მიიღოს და დახარჯოს სპეციალური სახსარი პროექტების განხილვისა და ექსპერტიზის გამოსაღებიდან.

4. სამშენებლო სექციის დაეკისრება ხელმძღვანელობა გაუწიოს საქართველოს სსრ-ის შედგენილობაში შემავალი რესპუბლიკებისა და ოლქის საგეგმო-სამშენებლო ორგანოების მუშაობას და აგრეთვე ორგანიზაციების საგეგმო ორგანოების მუშაობას იმ საკითხების გამო, რაც სამშენებლო სექციის კომპეტენციის შეადგენს.

5. სამშენებლო სექცია საქართველოს სსრ სახელმწიფო საგეგმო კომისიის პრეზიდიუმის უშუალო გამგებლობაშია და მას სათავეში უდგას სექციის თავმჯდომარე—საქართველოს სსრ სახელმწიფო საგეგმო კომისიის პრეზიდიუმის წევრი.

6. სექციის აპარატის შინაგანი სტრუქტურა და შტატი დადგენილ იქნება საერთო წესით.

7. სამშენებლო სექციასთან არსებობს მშენებლობის სატეხნიკო საბჭო, რომელზედაც მენაცვლეობით გადადის სამშენებლო-სატეხნიკო კომიტეტის უფლება-მოვალეობა პროექტებისა და ხარჯთაღრიცხვების განხილვის და დამტკიცების საქმეში.

მშენებლობის სატეხნიკო საბჭო შესდგება იმ პირთაგან, რომელთაც პერსონალურად დანიშნავს საქართველოს სსრ სახალხო კომისართა საბჭო თავისი განსაკუთრებული დადგენილებით.

8. სამშენებლო სექციის მიერ დამუშავებული საკითხების გადაწყვეტის წესს დაადგენს საქართველოს სსრ სახელმწიფო საგეგმო კომისიის პრეზიდიუმი.

### 310. დადგენილება ს კ. ს.

**სახალხო მასწავლებლების ნივთიერი და უფლებრივი მდგომარეობის გაუმჯობესების შესახებ.**

სოციალიზმის შენების ქვეყანაში სოციალისტური შეტევა კულტურულს ფრონტზედაც იზრდება. კულტურული მშენებლობის სფეროში საბჭოთა ხელისუფლების წინაშე დასმულია უდიდესი მნიშვნელობის ამოცანები, როგორც არის: საყოველთაო სავალდებულო სწავლების დაკვირვით წესით განხორციელება, უწყინობის სრული ლიკვიდაცია ერთი წლის განმავლობაში, განათლების მთელი სისტემის პოლიტეხნიზაცია და გარდაქმნა სახალხო-სამეურნეო მშენებლობის ძირითად ამოცანების შესაბამისად, მშენებლობის ყველა დარგის უზრუნველყოფა მაღალი კვალიფიკაციის მომუშავეთა საჭირო კადრებით და სხვ.

ამ უმნიშვნელოვანესი და რთული ამოცანების გადაწყვეტა, — ნივთიერი სახსარის გამოჩინებისა და საბჭოთა საზოგადოებრივობის ფართო მობილიზაციის საჭიროებას რომ თავი დავანებოთ, — განათლების მომუშავეთა მთელი კულტურული ლაშქარის ენერგიულ მუშაობაზეა დამოკიდებული: მასწავლებლობა ის ძირითადი ძალაა, რომელმაც უშუალო და აქტიური მონაწილეობა უნდა მიიღოს კულტურული რევოლუციის უმთავრესი ამოცანების აღსრულებაში. მასწავლებლობამ უპირველეს ყოვლისა უნდა იზრუნოს იმისათვის, რომ რაც შეიძლება ჩქარი ტემპით განხორციელდეს საყოველთაო სავალდებულო სწავლება, სკოლის გარდაქმნა აგრონომიულ და პოლიტეხნიკურ საფუძველზე, ნამდვილი შრომის სკოლის შექმნა და სხვ.

საქართველოს სსრ განათლების დარგის მომუშავეებს არა ერთხელ დაუმტკიცებიათ თავიანთი ერთგულება სოციალიზმისადმი საზოგადოებრივ-კულტურ-



რული მუშაობის სუეროში, მაგალითად ენერგიული და ნაყოფიერი მუშაობით უწიგნობის ლიკვიდაციისა და სოფლის მეურნეობის კოლექტივიზაციის საქმეში, მტკიცე ბრძოლით კულაკობის წინააღმდეგ, თესვისა და პურის დამზადების კამპანიაში მონაწილეობით და სხვ.

კულტურული მუშაობის ფართოდ გაშლილი ფრონტი განათლების დარგის მომუშავეთა ლაშქარს, განსაკუთრებით სოფლის მასწავლებლობას, კიდევ უფრო მეტ პასუხისმგებლობას აკისრებს, მოითხოვს მათგან უფრო ენერგიულს და ნაყოფიერ ბრძოლას კულტურული მშენებლობის ჩქარი ტემპისათვის, მუშაობის თვისებითი და რაოდენობითი ზრდისა და გაფართოებისათვის.

უკვე დაწყებული უდიდესი კულტურული ლაშქრობის შემდგომი განვითარების ერთ-ერთ უმთავრეს პირობას წარმოადგენს შექმნა განათლების დარგის მომუშავეთა საკმაო რაოდენობის და მაღალი ხარისხის კადრებისა, რომელნიც ერთგულად და თავგამოდებით იმუშავენ კულტურული მშენებლობის სარბიელზე, იბრძოლებენ სოციალისტური ყოფაცხოვრებისა და მეურნეობის მშენებლობისათვის და აღზრდიან სოციალიზმის მშენებელთა ახალ კადრებს.

განათლების დარგის მომუშავეთა უდიდესი როლი სოციალიზმის მშენებლობის საქმეში, რაც არა ერთხელ აღუნიშნავს ამხ. ლენინს, გვიკარნახებს მეტი ყურადღება მივაქციოთ განათლების დარგის მომუშავეების და, კერძოდ, სახალხო მასწავლებლის მდგომარეობას; მათ უნდა შევეუქმნათ ნორმალური და მუშაობისათვის ხელშემწყობი პირობები, მასწავლებელთა კადრების მომზადებასთან ერთად, მიღებულ უნდა იქნეს გადაწყვეტი ღონისძიებანი, რათა ახალგაზრდობა და მშრომელი ინტელიგენციის საუკეთესო ნაწილი ზალისით მიდიოდეს სამუშაოდ კულტურულ ფრონტზე და რჩებოდეს ამ სამუშაოზე.

ასეთ ღონისძიებათა შორის უდიდესი ყურადღება უნდა მიექცეს მასწავლებლის ნივთიერი და უფლებრივი მდგომარეობის გაუმჯობესებას. მასწავლებელთა მუშაობის მძიმე პირობებს სრულიად არ შეეფერება მათი ნივთიერი მდგომარეობა, კერძოდ, მცირე ხელფასი და ხშირად მისი გაცემის დაგვიანება ადგილობრივი ორგანოების მიერ. მასწავლებელთა კვების პროდუქტებით მომარაგების საქმეს ზოგჯერ სრულიად არ ექცევა ყურადღება ისე, რომ მასწავლებელი მოკლებულია საშუალებას აუცილებელი პროდუქტები შეიძინოს და იძულებული ხდება მიატოვოს მუშაობის ადგილი. არ არის აგრეთვე უზრუნველყოფილი მასწავლებელთა უფლებრივი მდგომარეობა: ძალიან ხშირად ხდება მათი უკანონოდ განკულავება, ხმის უფლების ჩამორთმევა, უმიზეზოდ თანამდებობიდან მოხსნა, ერთი ადგილიდან მეორეზე უმიზნოდ და უსაფუძვლოდ გადაყვანა, დაშინება, მასწავლებელ ქალთა დევნა, ძალმომრეობა და შევიწროება (მასწავლ. ილინას თვით მკვლელობა ატხაზეთში, ჩხარის მასწავლებელი-ქალის—ჩაფიძის წამება ადგილობრივი უღირსი მომუშავეების მიერ და სხვ.).

ზემოაღნიშნულის მიხედვით და აგრეთვე იმის გამო, რომ განათლების ორგანოების მონაწილეობა ქონებრივი და უფლებრივი მდგომარეობის გაუმჯობესის საქმეში ღდემდე სრულიად არ არის დამაკმაყოფილებელი და რომ, მეორეს მხრით, პროკურატურისა და სასამართლო სათანადო ორგანოების ღონისძიებანიც ამ საქმეში სათანადო სიმაღლეზე ვერ დგანან და ვერ უზრუნველყოფენ განათ-

ლების დარგის მომუშავეთ მასწავლებელთა უფლებების დარღვევის შემთხვევაში საგან, საქართველოს სსრ სახალხო კომისარიათა საბჭო ადგენს:

1. დაევალოს ფინანსთა სახალხო კომისარიატს, განათლების სახალხო კომისარიატთან და განათლების დარგის მომუშავეთა კავშირის ცენტრალურ გამგეობასთან ერთად, ორი კვირის ვადაზე ამა დადგენილების გამოქვეყნების დღიდან, შეიმუშაოს ღონისძიებანი მასწავლებელთა ნივთიერი მდგომარეობის გასაუმჯობესებლად როგორც ხელფასის გადიდების, ისე ამ ხელფასის თავის დროზე გაცემის მხრივ.

2. მუშათა მომარაგების ნორმების მხრივ (ტანსაცმელი, ფეხსაცმელი, კვების პროდუქტები და სხვ.) სოფლის პირველი საფეხურის სკოლის მასწავლებლები და მათი ოჯახის წევრები გათანაბნობილ იქნენ ინდუსტრიულურ მუშებთან; დაევალოს ვაჭრობის სახალხო კომისარიატს, სათანადო სამეურნეო და კოოპერატიულ ორგანიზებთან ერთად, შეიმუშაოს ამ მიმართულებით საჭირო ღონისძიებანი და განახორციელოს ეს დადგენილება არა უგვიანეს ამა წლის ნოემბრის 1-ისა.

3. სოფლის პირველი საფეხურის სკოლის მასწავლებლები უზრუნველყოფილ იქნენ უსასყიდლოდ კომუნალური მომსახურებით (ბინა, გათბობა, განათება); დაევალოს სარაიონო აღმასრულებელ კომიტეტებს და საქალაქო საბჭოებს განახორციელონ ეს დადგენილება 1930/31 სასწავლო წლის დასაწყისიდან.

4. წინადადება მიეცეს ყველა ორგანოს, რომელზედაც ირიცხება დავალიანება მასწავლებელთა ხელფასის ან პენსიის სფეროში, სრულიად გაასწორონ ანუ გარიში ათი დღის განმავლობაში ამა დადგენილების გამოქვეყნების შემდეგ.

5. დაევალოს კოლმეურნეობათა ცენტრს და განათლების სახალხო კომისარიატს, განათლების დარგის მომუშავეთა კავშირთან ერთად, ერთი თვის განმავლობაში შეიმუშაონ საკითხი კოლმეურნეობის წევრ მასწავლებელთა კოლმეურნეობაში მიზანშეწონილი გამოყენებისა, ხელფასიდან კოლმეურნეობის სასარგებლოდ ანაზღაურების გადადების წესისა და რაოდენობისა და კოლმეურნეობის შემოსავალში მასწავლებელთა მონაწილეობის შესახებ; აგრეთვე დაამუშაონ საკითხი კოლმეურნეობის წევრ და არა წევრ მასწავლებელთა კვების პროდუქტებით მომარაგების შესახებ და განსაზღვრონ ის მოვალეობანი, რაც ამ საქმეში კოლმეურნეობებს ეკისრებათ.

6. წინადადება მიეცეს საქალაქო საბჭოებს და სარაიონო აღმასრულებელ კომიტეტებს მოაწესრიგონ საკითხი მასწავლებელთა საზოგადოებრივი მუშაობით დატვირთვის შესახებ და უზრუნველპკონ, რათა მასწავლებლებმა პირველ რიგში აუცილებლად თავიანთი პირდაპირი მოვალეობა შეასრულონ. მასწავლებელთა საზოგადოებრივი მუშაობა განისაზღვროს საზოგადოებრივ-კულტურულ საქმეებში მონაწილეობის მიღებით და აიკრძალოს მათი გამოყენება საკანცელარიო-ტექნიკური მუშაობისათვის.

7. აიკრძალოს მასწავლებელთა ერთი ადგილიდან მეორეზე გადაყვანა, უკეთეს ეს აუცილებელი არ არის საქმის ინტერესის მიხედვით; თუ მასწავლებელი გადაყვანილ იქნა, მას ადგილობრივი სახსარიდან, შრომის კანონთა კოდექსის თანახმად, უნდა მიეცეს სათანადო თანხა საგზაო ხარჯის დასაფარავად.

8. დაევალოს საქალაქო საბჭოებს და სარაიონო აღმასრულებელ კომიტეტებს და განათლების ცენტრალურსა და ადგილობრივ ორგანოებს სისწორით აღასრულონ და განახორციელონ სადირექტივო ორგანოების დადგენილებანი მასწავლებელთა უფლებრივი მდგომარეობის დაცვისა და გაუმჯობესების შესახებ.

9. დაევალოს მუშათა და გლეხთა ინსპექციას და პროკურატურის ორგანოებს იხმარონ ხოლმე სწრაფი და გადამწყვეტი ღონისძიებანი ყველა იმ პირის წინააღმდეგ, ვინც მასწავლებელთა უფლებას დაარღვევს და მოაწყონ დამნაშავე პირთა საზოგადოებრივი საჩვენებელი გასამართლება.

10. დაევალოს განათლების სახალხო კომისარიატს ერთი თვის განმავლობაში შეიმუშაოს პრაქტიკული ღონისძიებანი:

ა) მაღალი და საშუალო კვალიფიკაციის მასწავლებელთა კადრების მოსამზადებლად მარქს ლენინის მოძღვრების საფუძველზე, რისთვისაც ვათვალისწინებულ უნდა იქნეს პედაგოგიური სკოლების საპირო ქსელის მოწყობა და პედაგოგიური განათლების ნამდვილი პოლიტენიზაცია;

ბ) მასწავლებელთა კადრების გასაძლიერებლად მუშათა, მოჯამაგირეთა და უღარიბეს გლეხთა ელემენტებით;

გ) მასწავლებელთა არსებული კადრების საზოგადოებრივ-პოლიტიკური, პედაგოგიური და პოლიტენიკური კვალიფიკაციის ასამაღლებლად დაუსწრებელი პედაგოგიური ინატიტუტებისა და პედაგოგიური ტენიკუმების ორგანიზაციით, გრძელვადიანი და მოკლევადიანი კურსების მოწყობით და სათანადო ლიტერატურის გამოცემით და მომარაგებით.

11. დაევალოს სახალხო კომისარიატებს და დაინტერესებულ ორგანიზაციებს გამოსცენ ამა დადგენილების საფუძველზე ცალკეული დადგენილებანი და ინსტრუქციები მათი ქვემდებარე ორგანოებისათვის ნელმძღვანელობის გასაწევად.

12. დაევალოს მუშათა და გლეხთა ინსპექციისა და განათლების სახალხო კომისარიატებს ერთი თვის განმავლობაში ამა დადგენილების გამოქვეყნების დღიდან გამოიკვლიონ საკითხი ამ დადგენილების აღსრულების შესახებ და განსაკუთრებული მოხსენება წარუდგინონ საქართველოს სსრ სახალხო კომისართა საბჭოს.

ამა დადგენილების აღსრულების დასაბუთებული გამოკვლევა სისტემატიურად უნდა სწარმოებდეს მომავალშიაც როგორც ცენტრში, ისე ადგილობრივ.

საქართველოს სსრ სახალხო კომისართა

საბჭოს თავმჯდომარე ფ. მახარაძე.

საქართველოს სსრ სახალხო კომისართა საბჭოს

საქმეთა მმართველი პ. მეგრელიშვილი.

1930 წ. ოქტომბრის 7.

ტფილისი-სასახლე.

გამოქვეყნებულია გაზ. „კომუნისტის“ 238 №-ში 1930 წ. ოქტომბრის 11.



## 311. დადგენილება ს. კ. ს.

კულაკურ მეურნეობათა მიერ ბამბის ჩაბარების შესახებ.

„1930 წ. მოსავლის ბამბის რეალიზაციისათვის საჭირო დამატებითი ღონისძიებების შესახებ“ გამოცემული ა/კსფსრ სახალხო კომისართა საბჭოს 1930 წ. ოქტომბრის 14-ის დადგენილების 1-ლი მუხლის საფუძველზე საქართველოს სსრ სახალხო კომისართა საბჭო ადგენს:

1. კულაკური მეურნეობანი, რომელნიც ბამბის მოყვანას მისდევენ, ვალდებულ არიან მთლად 1930 წლის მოსავლას ბამბა ჩააბარონ სათანადო დამზადებულ ორგანიზაციას (სპეციალური და ტექნიკური კულტურების კოოპ. კავშირს) არა უგვიანეს 1930 წ. დეკემბრის 1-ისა ვაკრობის სახალხო კომისარიატის მიერ დადგენილი ფასების მიხედვით.

2. ამა დადგენილების შეუსრულებლობისათვის დამნაშავე პასუხს აგებს საქართველოს სსრ სისხლის სამართლის კოდექსის 61 მუხლის თანახმად.

**შენიშვნა.** სისხლის სამართლის კოდექსის 61 მუხლის 1 ნაწილით გათვალისწინებულ გადასახდელს დაადებს სარაიონო საადმინისტრაციო განყოფილების უფროსი.

საქართველოს სსრ სახალხო კომისართა

საბჭოს თავმჯდომარე ფ. მაზარაძე.

საქართველოს სსრ სახალხო კომისართა საბჭოს

საქმეთა მმართველის მოადგილე ა. ანთაძე.

1930 წ. ოქტომბრის 25.

ტიფლისი-სახალხე.

## 312. დადგენილება ს. კ. ს.

ხე-ტყისა და შეშის დამზადების საქმის რწმუნებულის დანიშვნისა და საქართველოს სსრ ტერიტორიაზე ხე-ტყისა და შეშის დამზადების გეგმების შესრულებისათვის საჭირო ღონისძიებათა შესახებ.

„ხე-ტყისა და შეშის დამზადების გეგმების შესრულების შესახებ“ გამოცემული ა/კსფსრ სახალხო კომისართა საბჭოს 1930 წლის სექტემბრის 19-ის თარიღისა და 295 №-ის დადგენილების (გაზ. „ზარია ვოსტოკა“ № 288 1930 წლის ოქტომბრის 24-სა) საფუძველზე საქართველოს სსრ სახალხო კომისართა საბჭო ადგენს:

1. დაეკისროს სპეციალურად დანიშნულ რწმუნებულს საქართველოს სსრ ტერიტორიაზე ხე-ტყისა და შეშის დამზადების საქმის საერთო ხელმძღვანელობა და მისთვის მეთვალყურეობის გაწევა; ამასთანავე უფლება მიეცეს აღნიშნულ რწმუნებულს იხმაროს საქართველოს სსრ სახალხო კომისართა საბჭოს სახელით ყველა საჭირო ღონისძიება, რათა ა/კსფსრ სახალხო კომისართა საბჭოს შეშისა

და ხე-ტყის დამზადების საქმის განსაკუთრებული რწმუნებულის მიერ დამტკიცებული ხე-ტყისა და შეშის დამზადების სამუშაოთა გეგმები დადგენილ ვადაზე იქნეს შესრულებული.

2. საქართველოს სსრ სახალხო კომისართა საბჭოს ხე-ტყისა და შეშის დამზადების საქმის რწმუნებულად დაინიშნოს ამხ. პარმენ საბაშვილი.

3. წინადადება მიეცეს შეშისა და ხე-ტყის დამზადების რაიონების სასოფლო საბჭოებს მტკიცედ შეუუარდონ „ხე-ტყის დამზადებისა და წყლით ჩამოტივტივების სამუშაოთა გაძლიერების ღონისძიებათა შესახებ“ გამოკემულ ამიერკავკასიის ცენტრალური აღმასრულებელი კომიტეტისა და ა/კსფსრ სახალხო კომისართა საბჭოს 1930 წლის ივნისის 3-ის დადგენილებაში (ა/კსფსრ კან. კრ. 1930 წ. 13 №-ი, მუხ. 147) გათვალისწინებული ზეგავლენის ღონისძიებანი იმ საგლეხო მეურნეობათ და ცალკეულ პირთ, რომელნიც არ ასრულებენ მოქალაქეთა საერთო კრების მიერ თვითვალდების წესით მიღებულ დავალებებს ხე-ტყის დამზადებისა და გამოტანის სფეროში

4. წინადადება მიეცეს სარაიონო აღმასრულებელ კომიტეტებს და სასოფლო საბჭოებს ხე-ტყის დამზადების ადგილას, საქართველოს სსრ სახალხო კომისართა საბჭოს ხე-ტყისა და შეშის დამზადების საქმის რწმუნებულის წინადადებით და ხე-ტყის დამზადებელი ორგანიზაციების განცხადებით, დაადგინონ ადგილობრივი მოსახლეობისათვის სასყიდლიანი შრომისა და ჰაპანზიდვის ბეგარა იმ საფუძველზე და იმ წესით, რაც განსაზღვრულია სრულიად საქართველოს ცენტრალური აღმასრულებელი კომიტეტისა და საქართველოს სსრ სახალხო კომისართა საბჭოს 1930 წლის მაისის 21-ის დადგენილებაში (საქ. სსრ კან. კრ. 1930 წ. 12 № ი, მუხ. 177).

5. წინადადება მიეცეს საქართველოს სსრ სახალხო კომისართა საბჭოს ხე-ტყისა და შეშის დამზადების საქმის რწმუნებულს დააწესოს საქართველოს სსრ ტერიტორიაზე ხე-ტყისა და შეშის დამზადების პერიოდული ანგარიშგება და წარუდგინოს ხოლმე საქართველოს სსრ სახალხო კომისართა საბჭოს დეკადობით ცნობები ხე-ტყისა და შეშის დამზადების მსვლელობის შესახებ.

საქართველოს სსრ სახალხო კომისართა

საბჭოს თავმჯდომარე ფ. მაზარაძე.

საქართველოს სსრ სახალხო კომისართა

საბჭოს საქმეთა მმართველის მოადგილე ა. ანთაძე.

1930 წ. ოქტომბრის 29.

ტფილისი-სახალხე.

გამოქვეყნებულია გაზ. „კომუნისტის“ 254 №-ში 1930 წ. ოქტომბრის 30.

## 313. დადგენილება ს. კ. ს.

„სახალხო მასწავლებლების ნივთიერი და უფლებრივი მდგომარეობის გაუმჯობესების თაობაზე გამოცემული დადგენილების მე-2 მუხლის რედაქციის შეცვლის შესახებ.

საქართველოს სსრ სახალხო კომისართა საბჭო ადგენს:

„სახალხო მასწავლებლის ნივთიერი და უფლებრივი მდგომარეობის გაუმჯობესების შესახებ“ გამოცემული საქართველოს სსრ სახალხო კომისართა საბჭოს 1930 წ. ოქტომბრის 7-ის დადგენილების მე-2 მუხლი („კომუნისტი“-ს 238/2886 №-ი 1930 წ. ოქტომბრის 11-სა) მიღებულ იქნეს შემდეგი რედაქციით:

2. სასურსათო და სამრწველო საქონლით მომარაგების ნორმების მხრივ სოფლის მასწავლებლები და მათი ოჯახის წევრები გათანაბრებულ იქნენ: მასწავლებლები—სამრწველო მუშებთან, ხოლო მათი ოჯახის წევრები—ქილაქში მყოფ მოსამსახურებთან.

მიენდოს ვაჭრობის სახალხო კომისარიატს შეიმუშაოს დაინტერესებულ სამეურნეო და კოოპერატიულ ორგანიზაციებთან ერთად—საჭირო ღონისძიებანი ზემოაღნიშნულ პირთა თავის დროზე მომარაგებისათვის სასურსათო და სამრწველო საქონლით იმ ნორმების შესაბამისად, რაც განსაზღვრულია ა/კსფსრ სახალხო კომისართა საბჭოს 1930 წ. სექტემბრის 28-ის დადგენილებით (ა/კსფსრ სახალხო კომისართა საბჭოს განმწესრიგებელი სხდომის ოქმი № 142, § 43 და ამ ოქმის მე-2 დანართი)“.

საქართველოს სსრ სახალხო კომისართა

საბჭოს თავმჯდომარე ფ. მახარაძე.

საქართველოს სსრ სახალხო კომისართა საბჭოს

საქმეთა მართველის მოადგილე ა. ანთაძე.

1930 წ. ნოემბრის 5.

ტფილისი-სახალხე.

გამოქვეყნებულია გაზ. „კომუნისტი“ 267 №-ში 1930 წ. ნოემბრის 15.

## 314. დადგენილება ს. კ. ს.

1930 წლის მოხალისე ბაზის მოკრეფისა და დამზადების კამპანიის უზრუნველყოფისათვის საჭირო ღონისძიებათა შესახებ.

„ა/კსფსრ-ში ბაზის მოკრეფისა და დამზადების კამპანიის მსვლელობის გასაძლიერებლად საჭირო ღონისძიებათა შესახებ“ გამოცემული ა/კსფსრ სახალხო კომისართა საბჭოს 1930 წ. ოქტომბრის 30-ის თარიღისა და 298 №-ის დადგენილების თანახმად („ზარია ვოსტოკა“-ს 296 №-ი 1930 წ. ნოემბრის 1-სა) საქართველოს სსრ სახალხო კომისართა საბჭო ადგენს:



1. წინადადება მიეცეს ბამბის დამზადების რაიონების სარაიონო აღმასრულებელ კომიტეტებსა და სასოფლო საბჭოებს იხმარონ ყოველი ღონისძიება, რათა ბამბა სრულად და თავის დროზე იქნეს მოკრეფილი მიმდინარე სადამზადებლო კამპანიის პერიოდში, რისთვისაც, შრომის კანონთა კოდექსის მე-11 მუხლის თანახმად, მიეცეს სარაიონო აღმასრულებელ კომიტეტებს უფლება, უკეთეს საჭირო იქნება, შემოიღონ ადგილობრივი მოსახლეობისათვის შრომის ბეგარა იმავე კოდექსის მე-12—14 მუხლებით გათვალისწინებულ საფუძველებზე.

2. დაევალოს ყველა კულაკურ საბამზე მეურნეობას დაამთავროს ბამბის მოკრეფა თავის მინდვრებზე არა უგვიანეს 1930 წ. ნოემბრის 20-სა.

წინადადება მიეცეს სარაიონო აღმასრულებელ კომიტეტებს და სასოფლო საბჭოებს პასუხისგებაში მისცენ სისხლის სამართლის კოდექსის 61 მუხლის მიხედვით იმ კულაკური მეურნეობების მეთაურნი, რომელნიც სრულად არ მოკრეფენ თავიანთ მინდვრებზე ბამბას ზემოაღნიშნულ ვადაზე.

3. წინადადება მიეცეს ბამბის დამზადების რაიონების სარაიონო აღმასრულებელ კომიტეტებსა და სასოფლო საბჭოებს შემოიღონ მიმდინარე წლის მოსავლის ბამბის მოკრეფისა და ჩაბარების დროს განმავლობაში ფასიანი საქაპან-ზიდო ბეგარა იმ საფუძველებზე, რაც გათვალისწინებულია სრულიად საქართველოს ცენტრალური აღმასრულებელი კომიტეტისა და საქართველოს სსრ სახალხო კომისართა საბჭოს 1929 წ. ნოემბრის 11-ის დადგენილებაში „პურის დამზადების რაიონებში სასყიდლიანი შრომითი კაპანზიდვის ბეგარის შემოღების შესახებ“ (საქ. სსრ კან. კრ. 1929 წ. № 23, მუხ. 284).

4. წინადადება მიეცეს ბამბის დამზადების რაიონების სასოფლო საბჭოებს ჩაატარონ მოქალაქეთა საერთო კრებებზე სათანადო განმარტების კამპანია ბამბის კამპანიის თაობაზე და ბამბის თავის დროზე მოკრეფისა და დამზადებელი ორგანიზაციებისათვის ჩაბარების აუცილებლობის შესახებ.

5. პასუხისმგებლობა ამა დადგენილებისათვის დაეკისროს სარაიონო აღმასრულებელ კომიტეტებსა და სოფლო საბჭოებს.

6. წინადადება მიეცეს საქართველოს სსრ უზენაეს სასამართლოს მისცეს სასამართლო ორგანოებს ღირებულებები იმ საქმეების სასწრაფოდ გადაწყვეტის თაობაზე, რაც ამა დადგენილების შეფარდების დროს აღიძვრის.

საქართველოს სსრ სახალხო კომისართა  
 საბჭოს თავმჯდომარე ფ. მახარაძე.

საქართველოს სსრ სახალხო კომისართა საბჭოს  
 საქმეთა მმართველის მოადგილე ა. ანთაძე.

ტფილისი-სასახლე.  
 1930 წ. ნოემბრის 5.

გამოქვეყნებულია გაზ. „კომუნისტის“ 260 №-ში 1930 წ. ნოემბრის 6.

## 315. დადგენილება ს. ძ. ს.

საქართველოს სსრ სახელმწიფო დაწესებულებებისა და კოოპერატიული ორგანიზაციების ქვემდებარე ყველა წარმოების საწარმოსთან გამოგონებათა და მუშების წინადადებათა რეალიზაციისა და საფაბრიკო-საქარხნო გამოგონებლობის ხელისშემწყობი სათანადო ორგანოების დაარსებისა და აგრეთვე გამოგონებლობისა და მუშების წინადადებათა ხელისშემწყობის ფონდების შექმნის შესახებ.

საქართველოს სსრ სახალხო კომისართა საბჭო ადგენს:

1. დაევალოს საქართველოს სსრ სახელმწიფო დაწესებულებებისა, რესპუბლიკანური კოოპერატიული კავშირებისა, სა/რაიონო აღმასრულებელი კომიტეტებისა და საქალაქო საბჭოების ქვემდებარე ყველა წარმოებითს საწარმოს:

ა) მოაწყოს საწარმოსთან, უკეთუ მისი მუშების რიცხვი 500 კაცს აღემატება, გამოგონებათა და მუშების წინადადებათა რეალიზაციისა და საფაბრიკო-საქარხნო გამოგონებლობის ხელისშემწყობი სპეციალური ბიურო;

ბ) უკეთუ საწარმოს მუშების რიცხვი 500 კაცს არ აღემატება, მუშაობა გამოგონებათა და მუშების წინადადებათა სარეალიზაციოდ და საფაბრიკო-საქარხნო გამოგონებლობისათვის ხელშესაწყობად დააკისროს სპეციალურად გამოყოფილ პირს ან საწარმოს განსაზღვრულ საგამგებლო ორგანოს.

2. წინა მუხლში აღნიშნული, გამოგონებათა და მუშების წინადადებათა რეალიზაციისა და საფაბრიკო-საქარხნო გამოგონებლობის ხელისშემწყობი ორგანოები დაექვემდებაროს საქართველოს სსრ სახალხო მეურნეობის უმაღლეს საბჭოსთან არსებული გამოგონებათა რეალიზაციის ცენტრალური ბიუროს ხელმძღვანელობას იმ საფუძველზე, რაც გათვალისწინებულია საქართველოს სსრ სახალხო კომისართა საბჭოს 1930 წ. აპრილის 2-ის დადგენილებით „მუშათა გამოგონებლობის საკითხების ხელმძღვანელობის ცენტრალიზაციის შესახებ“ (საქ. სსრ კან. კრ. 1930 წ. მე-10 № ი, მუხ. 141).

4. 1-ლ მუხლში აღნიშნულ საწარმოთა შორის ისეთში, სადაც აქამდე დაარსებული არ არის გამოგონებლობისა და მუშათა წინადადებების ხელისშემწყობის ფონდები, — შეიქმნას ეს მიზნობრივი ფონდები სათანადო საწარმოს სახსარიდან ერთდროული ახიგნობისა და აგრეთვე იმ ეკონომიის ანარიცხებისაგან, რაც მიღებულ იქნება საწარმოს მიერ თავისი მუშებისა და მოსამსახურეების გამოგონებათა და გაუმჯობესებათა გამოყენებით.

საბჭოთა გამოგონებლობისა და მუშების წინადადებების ხელისშემწყობის ფონდები შეიძლება დაიხარჯოს:

ა) პირველი საცდელი დანადგომისა და აპარატის დამზადებაზე გამოგონებისა და წინადადების გამოყენებისათვის საქარხნო მასშტაბით;

ბ) გამოგონებლისათვის და წინადადების შემტანი მუშისათვის ტენიკური დახმარების გაწევაზე, კონკურსის მოწყობაზე, ექსპერტიზაზე, კლევისა და ცდის მოწყობაზე და სხვ.

გ) გამოგონებისა და წინადადების დაპრემირებაზე;

დ) სხვადასხვა საერთო ღონისძიებაზე მშრომელთა შემოქმედებითი ინიციატივის განვითარებისათვის გამომგონებლობის სფეროში, ლიტერატურის შექმნაზე, კონსულტაციის გამართვაზე და სხვ.

ე) გამოცდილების გაცვლა-გამოცვლის ღონისძიებებზე.

5. წინადადება მიეცეს საქართველოს სსრ სახალხო მეურნეობის უმაღლეს საბჭოს, ორი ღეკადის ვადაზე ამა დადგენილების გამოქვეყნების დღიდან, გამოსცეს—საქართველოს სსრ ვაჭრობის სახალხო კომისარიატთან და სამომხმარებლო და სარეწაო კოოპერაციის რესპუბლიკანურ კავშირებთან შეთანხმებით, ინსტრუქცია, რომელშიაც გაითვალისწინოს: ა) ამა დადგენილების 1-ლ მუხლში აღნიშნული ორგანოების მოქმედების წესი და მათი მუშაობისათვის ხელმძღვანელობის გაწევა საქართველოს სსრ სახალხო მეურნეობის უმაღლეს საბჭოსთან არსებული გამოგონებათა რეალიზაციის ცენტრალური ბიუროს მიერ; ბ) გამოგონებლობისა და მუშათა წინადადების ხელისშეწყობის ფონდების შექმნისა, შენახვისა და ხარჯის წესი, კერძოდ გამოგონებათა და წინადადებათა ავტორების დაპრემირების წესები.

**შენიშვნა.** საქართველოს სსრ სახალხო მეურნეობის უმაღლესი საბჭოს სისტემაში შემავალი საწარმონი—გამოგონებათა და მუშების წინადადებათა რეალიზაციის ხელშეწყობი ორგანოების მოქმედების წესისა და საფაბრიკო-საქარხნო გამოგონებლობის ხელისშეწყობის ფონდების შექმნისა და ხარჯის წესის მხრით, ექვემდებარებიან სსრკ ისა, ა/კსფსრ-ისა და საქართველოს სსრ სახალხო მეურნეობის უმაღლესი საბჭოების მიერ გამოცემულ სათანადო დებულებებსა, ინსტრუქციებსა და ბრძანებებს.

6. პასუხისმგებლობა ამა დადგენილების განხორციელებისათვის დაეკისროს იმ დაწესებულებებსა და ორგანიზაციებს, რომელთა გამგებლობაშიაც იმყოფებიან ამა დადგენილების 1-ლ მუხლში აღნიშნული საწარმონი.

საქართველოს სსრ სახალხო კომისართა

საბჭოს თავმჯდომარე ფ. მახარაძე.

საქართველოს სსრ სახალხო კომისართა საბჭოს

საქმეთა მმართველის მოადგილე ა. ანთაძე.

ტფილისი-სახალგ.

1930 წ. ნოემბრის 15.

### 316. დადგენილება ს. კ. ს.

ეპიზოტიკებთან მებრძოლი სრულიად საკავშირო სააქციო საზოგადოების „ვეტეპო“-ს ამიერკავკასიის კონტორისათვის ეპიზოტიკებთან ბრძოლის წარმოების დაკისრებისა და მის განკარგულებაში სპეცირანო პერსონალის გამოყოფის შესახებ.

სოციალისტური სექტორის მეურნეობათა სპეცირანო-სასანიტარო მხრით რაც შეიძლება საჩქაროდ გაჯანსაღებისათვის და საქართველოს სსრ-ში ეპიზოტიკებთან საბრძოლველად სასწრაფო და დამკვეთი მუშაობის ჩატარებისათვის საქართველოს სსრ სახალხო კომისართა საბჭო ადგენს:



1. საქართველოს სსრ ტერიტორიაზე მასიურ ეპიზოტეებთან ბრძოლისათვის საჭირო მთელი გეგმიანი და გეგმის გარეშე მუშაობის ჩატარება, მიწათმოქმედების სახალხო კომისარიატის დავალებების მიხედვით და კონტროლით, მიენდოს ეპიზოტეებთან მებრძოლი სრულიად საკავშირო სააქციო საზოგადოებების „ვეტეპო“-ს ამიერკავკასიის კონტორას, რომელიც მოქმედობს სსრკ-ის მიწათმოქმედების სახალხო კომისარიატის მიერ 1930 წ. მაისის 21-ს დამტკიცებული წესდების თანახმად.

2. წინადადება მიეცეს მიწათმოქმედების სახალხო კომისარიატს გამოჰყოს მუდმივი მუშაობისათვის ეპიზოტეებთან მებრძოლი სრულიად საკავშირო სააქციო საზოგადოების „ვეტეპო“-ს ამიერკავკასიის კონტორის სრულ განკარგულებაში საქართველოს სსრ-ში მყოფი სავეტერინარო პერსონალის შედგენილობიდან აღნიშნული სააქციო საზოგადოების მუშაობის გასაშლელად საჭირო სავეტერინარო პერსონალის კადრი, სსრკ-ის მიწათმოქმედების სახალხო კომისარიატისა და შრომის სახალხო კომისარიატის 1930 წ. მარტის 17-ის თარიღისა და 520 №-ის ცირკულიარით განსაზღვრული განაწილებისა და ღირებულებების თანახმად.

3. წინადადება მიეცეს სარაიონო აღმასრულებელ კომიტეტებსა და სასოფლო საბჭოებს, აგრეთვე ადგილობრივ ადმინისტრაციულ, კოოპერატიულ და საზოგადოებრივ ორგანიზაციებს—ყოველგვარი დახმარება გაუწიონ სააქციო საზოგადოების „ვეტეპო“-ს სავეტერინარო რაზმებს მათ სამუშაოთა წარმატებით განხორციელების საქმეში: წარუდგინონ მათ ოთფები საქონელი გასასინჯად, ასატრელად, სირევისტრაციოდ, დასადალად და სხვ.; მოაწყონ ცხენსაბმელები; გამოჰყონ მუშები ცხოველთა დასაკავებლად და აძლიონ ხსენებულ რაზმებს სასყიდლით, ნორმების თანახმად, მიმოსვლის საშუალებანი, პროდუქტები, ბინები და სხვ.

4. წინადადება მიეცეს სარაიონო აღმასრულებელ კომიტეტებს, რათა ეპიზოტეებთან ბრძოლა წარმატებით იქნეს ჩატარებული, სააქციო საზოგადოების „ვეტეპო“-ს რაზმებისათვის დახმარების გასაწევად საჭირო ყველა ღონისძიების განხორციელება დააკისრონ ერთ-ერთ თავიანთ პასუხისმგებელ მომუშავეს.

5. მიენდოს მიწათმოქმედების სახალხო კომისარიატს გამოსცეს სათანადო ინსტრუქცია ადგილებზე ამა დადგენილების ზედმიწევნით შესრულებისათვის.

საქართველოს სსრ სახალხო კომისარიატის

საბჭოს თავმჯდომარე ფ. მახარაძე.

საქართველოს სსრ სახალხო კომისარიატის საბჭოს

საქმეთა მმართველის მოადგილე ა. ანთაძე.

1930 წ. ნოემბრის 15.

ტფილისი-სახალხო.

გამოქვეყნებულია გაზ. „კომუნისტის“ 272 №-ში 1930 წ. ნოემბრის 20.

საქართველოს სახკომსაბჭოს სტამბა.

მოავლ. № 2371.

ტირაჟი 1.050.